

कृष्ण यजुर्वेदीय तैत्तिरीय संहिता, पद, जटा, घन पाठः

7.3 सप्तमकाण्डे तृतीयः प्रश्नः - सत्रजातनिरूपणं

Contents

1	TS 7.3.1.1	5
2	TS 7.3.1.2	5
3	TS 7.3.1.3	6
4	TS 7.3.1.4	7
5	TS 7.3.2.1	8
6	TS 7.3.2.2	9
7	TS 7.3.3.1	10
8	TS 7.3.3.2	11
9	TS 7.3.4.1	11
10	TS 7.3.4.2	12
11	TS 7.3.5.1	13
12	TS 7.3.5.2	14
13	TS 7.3.5.3	15

14	TS 7.3.6.1	16
15	TS 7.3.6.2	17
16	TS 7.3.7.1	18
17	TS 7.3.7.2	19
18	TS 7.3.7.3	20
19	TS 7.3.7.4	21
20	TS 7.3.8.1	22
21	TS 7.3.8.2	23
22	TS 7.3.9.1	23
23	TS 7.3.9.2	24
24	TS 7.3.9.3	25
25	TS 7.3.10.1	26
26	TS 7.3.10.2	27
27	TS 7.3.10.3	28

28	TS 7.3.10.4	29
29	TS 7.3.10.5	30
30	TS 7.3.11.1	31
31	TS 7.3.11.2	32
32	TS 7.3.11.3	33
33	TS 7.3.12.1	34
34	TS 7.3.13.1	35
35	TS 7.3.14.1	36
36	TS 7.3.15.1	37
37	TS 7.3.16.1	38
38	TS 7.3.16.2	39
39	TS 7.3.17.1	40
40	TS 7.3.18.1	41
41	TS 7.3.19.1	42

42 TS 7.3.20.1

42

1 TS 7.3.1.1

TS 7.3.1.1

Samhita Paata

प्रज॒वं वा ए॒तेन॑ य॒न्ति यद्-द॑श॒मम॑हः पा॒पाव॑ही॒यं वा ए॒तेन॑ भ॒वन्ति॑ यद्-द॑श॒मम॑ह॒र्यो वै प्र॒ज॒वं
य॒ताम॑प॒थेन॑ प्र॒तिप॑द्य॒ते यः स्था॒णुः ह॑न्ति॒ यो भ्रेषं॑ न्येति॒ स ही॑यते॒ स यो वै द॑श॒मेऽह॑न्न॒विवा॑क्य
उ॒प॒ह॒न्यते॑ स ही॑यते॒ तस्मै॑ य उ॒प॒ह॒ताय॑ व्याह॒ तमे॒वान्वा॒रभ्य॑ सम॑श्नुतेऽथ॒ यो व्याह॑ स - []

Pada Paata

प्र॒ज॒व॒मि॒ति॒ प्र - ज॒व॒म् । वै । ए॒तेन॑ । य॒न्ति॒ । यत् । द॒श॒मम् । अ॒हः । पा॒पा॒व॒ही॒य॒मि॒ति॒ पाप॑
- अ॒व॒ही॒य॒म् । वै । ए॒तेन॑ । भ॒व॒न्ति॒ । यत् । द॒श॒मम् । अ॒हः । यः । वै । प्र॒ज॒व॒मि॒ति॒
प्र - ज॒व॒म् । य॒ताम् । अ॒प॒थेन॑ । प्र॒ति॒प॒द्य॒त इति॑ प्र॒ति - प॑द्य॒ते । यः । स्था॒णुम् । ह॑न्ति॒ ।
यः । भ्रेष॑म् । न्ये॒तीति॑ नि - ए॒ति॒ । सः । ही॑य॒ते । सः । यः । वै । द॒श॒मे । अ॒ह॒न् ।
। अ॒वि॒वा॒क्य इत्य॑वि - वा॒क्ये । उ॒प॒ह॒न्य॒त इत्यु॑प॒ह॒न्य॒ते । सः । ही॑य॒ते । तस्मै॑ । यः ।
उ॒प॒ह॒तायेत्यु॑प॒ह॒ताय॑ । व्या॒हेति॑ वि - आ॒ह । तम् । ए॒व । अ॒न्वा॒र॒भ्येत्य॑नु - आ॒र॒भ्य॑ । स॒मि॒ति॒
। अ॒श्नु॒ते । अथ॑ । यः । व्या॒हेति॑ वि - आ॒ह । सः । 1 (50)

2 TS 7.3.1.2

TS 7.3.1.2

Samhita Paata

ही॒य॒ते॒ तस्मा॑द्-द॒श॒मे ऽह॑न्नविवा॒क्य॒ उप॑ह॒ताय॒ न व्यु॑च्य॒मथो॒ खल्वा॑हु॒र्य॒स्य॒ वै समृ॑द्धेन दे॒वाः सु॒व॒र्गं
लो॒कमा॑यन् य॒स्य॒ व्यृ॑द्धेनासु॒रान् परा॑ऽभा॒वय॑न्निति॒ यत् खलु॑ वै य॒स्य॒ समृ॑द्धं तद्-यज॑मानस्य॒ यद्व्यृ॑द्धं
तद्भा॒तृव्य॑स्य॒ स यो वै द॑श॒मेऽह॑न्नविवा॒क्य॒ उप॑ह॒न्यते॒ स ए॒वाति॑ रेच॒यति॒ ते ये बा॒ह्या दृ॒शीक॑वः - []

Pada Paata

ही॒य॒ते । तस्मा॑त् । द॒श॒मे । अ॒ह॒न्न । अ॒वि॒वा॒क्य॒ इत्य॑वि - वा॒क्ये । उ॒प॒ह॒ताये॒त्युप॑ - ह॒ताय॒ ।
न । व्यु॑च्य॒मिति॑ वि-उ॒च्य॑म् । अथो॒ इति॑ । खलु॑ । आ॒हुः । य॒स्य॒ । वै । समृ॑द्धेनेति॒ सं
- ऋ॑द्धेन॒ । दे॒वाः । सु॒व॒र्गमि॑ति॒ सुवः॑ - गम् । लो॒कम् । आ॒य॒न्न । य॒स्य॒ । व्यृ॑द्धेनेति॒ वि -
ऋ॑द्धेन॒ । अ॒सु॒रान् । परे॑ति॒ । अ॒भा॒वय॑न्न । इति॑ । यत् । खलु॑ । वै । य॒स्य॒ । समृ॑द्धमिति॒
सं - ऋ॑द्धम् । तत् । यज॑मानस्य॒ । यत् । व्यृ॑द्धमिति॒ वि-ऋ॑द्धम् । तत् । भा॒तृव्य॑स्य॒ । सः
। यः । वै । द॒श॒मे । अ॒ह॒न्न । अ॒वि॒वा॒क्य॒ इत्य॑वि - वा॒क्ये । उ॒प॒ह॒न्यत॑ इत्यु॒प - ह॒न्यते॑ ।
सः । ए॒व । अ॒तीति॑ । रेच॒यति॑ । ते । ये । बा॒ह्याः । दृ॒शीक॑वः ।

3 TS 7.3.1.3

TS 7.3.1.3

Samhita Paata

स्यु॒स्ते वि॒ ब्रू॑युर्यदि॒ तत्र॒ न वि॒न्देयु॑रन्तस्सद॒साद्-व्यु॑च्यं यदि॒ तत्र॒ न वि॒न्देयु॑र्गृह॒पति॑ना॒ व्यु॑च्यं
तद्व्यु॑च्यंमे॒वाथ॒ वा ए॒तथ् सर्प॑रा॒ज्ञियां ऋ॒ग्भिः स्तु॑वन्त॒यं वै सर्प॑तो॒ राज्ञी॒ यद्वा अ॒स्यां किं चा॑र्चन्ति॒
यदा॑नृ॒चुस्तेने॒यः सर्प॑रा॒ज्ञी ते यदे॒व किं च॑ वा॒चा ऽऽनृ॑चुर्यदु॒तोऽद्व्य॑र्चितार॒ - []

Pada Paata

स्युः । ते । वीतिं । ब्रूयुः । यदि । तत्र । न । विन्देयुः । अन्तस्सदुसादित्यन्तः - सदुसात् । व्युच्यमिति वि - उच्यम् । यदि । तत्र । न । विन्देयुः । गृहपतिनेति गृह - प्रतिना । व्युच्यमिति वि - उच्यम् । तत् । व्युच्यमिति वि - उच्यम् । एव । अथ । वै । एतत् । सर्पराज्ञिया इति सर्प - राज्ञियाः । ऋग्भिरित्यृक् - भिः । स्तुवन्ति । इयम् । वै । सर्पतः । राज्ञी । यत् । वै । अस्याम् । किम् । च । अर्चन्ति । यत् । आनृचुः । तेन । इयम् । सर्पराज्ञीति सर्प-राज्ञी । ते । यत् । एव । किम् । च । वाचा । आनृचुः । यत् । अतोधि । अर्चितारः ।

4 TS 7.3.1.4**TS 7.3.1.4****Samhita Paata**

-स्तदुभयमाप्त्वा ऽवरुद्धयोत् तिष्ठामेति ताभिर्मनसा स्तुवते न वा इमामंश्चरथो नाऽश्वतरीरथः सुद्यः पर्याप्तुमरहति मनो वा इमाः सुद्यः पर्याप्तुमरहति मनः परिभवितुमथ ब्रह्म वदन्ति परिमिता वा ऋचः परिमितानि सामानि परिमितानि यजूंष्यथैतस्यैवान्तो नास्ति यद्-ब्रह्म तत् प्रतिगृणत आ चक्षीत् स () प्रतिगुरः ॥

Pada Paata

तत् । उ॒भय॑म् । आ॒स्वा । अ॒व॒रु॒द्धये॑त्य॒व - रु॒द्धय॑ । उ॒दि॒ति॑ । ति॒ष्ठाम् । इति॑ । ताभिः॑ । मन॑सा
 । स्तु॒व॒ते । न । वै । इ॒माम् । अ॒श्व॒र॒थ इ॒त्य॒श्व - र॒थः । न । अ॒श्व॒त॒री॒र॒थ इ॒त्य॒श्व॒त॒री - र॒थः ।
 स॒द्यः । पर्या॑प्तुमि॒ति परि॑-आ॒प्तुम् । अ॒र॒ह॒ति॑ । मनः॑ । वै । इ॒माम् । स॒द्यः । पर्या॑प्तुमि॒ति परि॑ -
 आ॒प्तुम् । अ॒र॒ह॒ति॑ । मनः॑ । परि॑भ॒वितु॑मि॒ति परि॑-भ॒वितु॑म् । अथ॑ । ब्र॒ह्म । व॒द॒न्ति॑ । परि॑मि॒ता
 इति॑ परि॑-मि॒ताः । वै । ऋ॒चः । परि॑मि॒ता॒नीति॑ परि॑ - मि॒ता॒नि । सा॒मा॒नि । परि॑मि॒ता॒नीति॑
 परि॑ - मि॒ता॒नि । यजू॑ंषि । अथ॑ । ए॒तस्य॑ । ए॒व । अ॒न्तः । न । अ॒स्ति॑ । यत् । ब्र॒ह्म
 । तत् । प्र॒ति॒गृ॒ण॒त इति॑ प्र॒ति - गृ॒ण॒ते । एति॑ । च॒क्षी॒त । सः () । प्र॒ति॒ग॒र इति॑ प्र॒ति - ग॒रः ॥

5 TS 7.3.2.1

TS 7.3.2.1

Samhita Paata

ब्र॒ह्म॒वा॒दि॒नो॑ व॒द॒न्ति॑ किं द्वा॑द॒शा॒ह॒स्य॑ प्र॒थ॒मे॒ना॒ह॒र्त्वि॒जां॑ य॒ज॑मा॒नो वृ॒द्धे॑ इति॑ तेज॑ इन्द्रि॒यमि॒ति॑ किं
 द्वि॒ती॒ये॒नेति॑ प्रा॒णान॑न्नाद्यमि॒ति॑ किं तृ॒ती॒ये॒नेति॑ त्री॒नि॒मा॒न् लो॒कानि॑ति॒ किं च॑तु॒र्थे॒नेति॑ चतु॑ष्प॒दः प॒शूनि॑ति॒
 किं प॑ञ्च॒मे॒नेति॑ पञ्चा॑क्ष॒रां प॒ङ्क्ति॑मि॒ति॑ किं ष॒ष्ठे॒नेति॑ षड् ऋ॒तूनि॑ति॒ किं स॑प्त॒मे॒नेति॑ स॒प्तप॑दा॒ः शक्र॑री॒मि॒ति॑
 - []

Pada Paata

ब्र॒ह्म॒वा॒दि॒न् इति॑ ब्र॒ह्म - वा॒दि॒नः॑ । व॒द॒न्ति॑ । किम् । द्वा॑द॒शा॒ह॒स्येति॑ द्वा॒द॒श - अ॒ह॒स्य॑ । प्र॒थ॒मे॒न॑ ।
 अ॒ह्ना॑ । ऋ॒त्वि॒जा॑म् । य॒ज॑मा॒नः । वृ॒द्धे॑ । इति॑ । तेजः॑ । इन्द्रि॒यम् । इति॑ । किम् । द्वि॒ती॒ये॒न॑

। इति । प्राणानिति प्र - अनान् । अन्नाद्यमित्यन्न - अद्यम् । इति । किम् । तृतीयेन । इति ।
 । त्रीन् । इमान् । लोकान् । इति । किम् । चतुर्थेन । इति । चतुष्पद इति चतुः-पदः ।
 पशून् । इति । किम् । पञ्चमेन । इति । पञ्चाक्षरामिति पञ्च - अक्षराम् । पङ्क्तिम् । इति ।
 किम् । षष्ठेन । इति । षट् । ऋतून् । इति । किम् । सप्तमेन । इति । सप्तपदामिति सप्त
 - पदाम् । शक्करीम् । इति ।

6 TS 7.3.2.2

TS 7.3.2.2

Samhita Paata

किमष्टमेनेत्यष्टाक्षरां गायत्रीमिति किं नवमेनेति त्रिवृतः स्तोममिति किं दशमेनेति दशाक्षरां विराजमिति
 किमेकादशेनेत्येकादशाक्षरां त्रिष्टुभमिति किं द्वादशेनेति द्वादशाक्षरां जगतीमित्येतावद्वा अस्ति यावदेतद्-
 यावदेवास्ति तदेषां वृद्धे ॥

Pada Paata

किम् । अष्टमेन । इति । अष्टाक्षरामित्यष्टा - अक्षराम् । गायत्रीम् । इति । किम् ।
 नवमेन । इति । त्रिवृतमिति त्रि - वृत्तम् । स्तोमम् । इति । किम् । दशमेन । इति ।
 दशाक्षरामिति दश - अक्षराम् । विराजमिति वि - राजम् । इति । किम् । एकादशेन ।
 इति । एकादशाक्षरामित्येकादश - अक्षराम् । त्रिष्टुभम् । इति । किम् । द्वादशेन । इति ।
 द्वादशाक्षरामिति द्वादश - अक्षराम् । जगतीम् । इति । एतावत् । वै । अस्ति । यावत् ।
 एतत् । यावत् । एव । अस्ति । तत् । एषाम् । वृद्धे ॥

7 TS 7.3.3.1

TS 7.3.3.1

Samhita Paata

एष वा आ॒प्तो द्वा॑द॒शा॒हो यत् त्र॑योद॒शरा॒त्रः स॑मा॒नः॑ ह्येतद॒ह्यत् प्रा॑य॒णीय॑श्चोद॒यनीय॑श्च त्र्य॑तिरा॒त्रो भ॒वति॑ त्रय॑ इ॒मे लो॒का ए॒षां लो॒काना॑मा॒स्यै प्रा॒णो वै प्र॑थ॒मोऽति॑रा॒त्रो व्या॒नो द्वि॑तीयोऽपान॑स्तृतीयः प्राणा॒पानो॒दाने॑ष्वेवा॒न्नाद्ये॑ प्रति॑ तिष्ठन्ति॒ सर्व॑मायु॑र्यन्ति॒ य ए॒वं वि॒द्वाँस॑स्त्रयोद॒शरा॒त्रमा॑स॑ते तदा॑हु॒र्वाग्वा॑ ए॒षा वि॑ते॒ता - []

Pada Paata

ए॒षः । वै । आ॒प्तः । द्वा॑द॒शा॒ह इति॑ द्वा॒दश॑ - अ॒हः । यत् । त्र॑योद॒शरा॒त्र इति॑ त्रयोद॒श - रा॒त्रः । स॑मा॒नम् । हि । ए॒तत् । अ॒हः । यत् । प्रा॑य॒णीय॑ इति॑ प्र - अ॒यनीय॑ः । च । उ॒द॒यनीय॑ इत्यु॒त् - अ॒यनीय॑ः । च । त्र्य॑तिरा॒त्र इति॑ त्रि - अ॒तिरा॒त्रः । भ॒वति॑ । त्रय॑ः । इ॒मे । लो॒काः । ए॒षाम् । लो॒काना॑म् । आ॒स्यै । प्रा॒ण इति॑ प्र - अ॒नः । वै । प्र॑थ॒मः । अ॒तिरा॒त्र इत्य॑ति - रा॒त्रः । व्या॒न इति॑ वि - अ॒नः । द्वि॑तीयः । अ॒पा॒न इत्य॑प-अ॒नः । तृ॒तीयः । प्रा॒णा॒पा॒नो॒दाने॑ष्विति॑ प्राणा॒पान॑ - उ॒दाने॑षु । ए॒व । अ॒न्नाद्य॑ इत्य॑न्न - अ॒द्यै । प्र॒तीति॑ । तिष्ठ॑न्ति । सर्व॑म् । आ॒युः । यु॒न्ति । ये । ए॒वम् । वि॒द्वाँस॑ः । त्र॑योद॒शरा॒त्रमि॑ति॒ त्रयोद॒श - रा॒त्रम् । आ॑स॑ते । तत् । आ॒हुः । वाक् । वै । ए॒षा । वि॑ते॒तेति॑ वि - त॒ता ।

8 TS 7.3.3.2

TS 7.3.3.2

Samhita Paata

यद् द्वा॑द॒शा॒ह॒स्तां वि॒च्छि॑न्ध्य॒र्यन्म॒द्भ्ये ऽति॒रा॒त्रं क॒र्यु॒रु॒प॒दा॒सु॒का गृ॒हप॑ते॒र्वा॒ख् स्या॑-दु॒परि॑ष्टा॒च्छन्द्मो॑मा॒नां
महा॒व्रतं॑ कु॒र्वन्ति॑ संत॑तामे॒व वाच॑म॒व रु॒न्ध॒तेऽनु॑प॒दा॒सु॒का गृ॒हप॑ते॒र्वा॒ग्-भ॑वति प॒शवो॑ वै छ॒न्दो॑मा अ॒न्नं
महा॒व्रतं॑ यदु॒परि॑ष्टा॒च्छन्द्मो॑मा॒नां महा॒व्रतं॑ कु॒र्वन्ति॑ प॒शुषु॑ चै॒वा॒न्नाद्ये॑ च॒ प्रति॑ तिष्ठन्ति ॥

Pada Paata

यत् । द्वा॒द॒शा॒ह॒ इति॑ द्वा॒द॒श - अ॒हः । ता॒म् । वी॒ति । छि॒न्ध्युः । यत् । म॒द्भ्ये । अ॒ति॒रा॒त्रमि॒त्य॒ति॒-
रा॒त्रम् । क॒र्युः । उ॒प॒दा॒सु॒केत्यु॑प॒दा॒सु॒का । गृ॒हप॑ते॒रिति॑ गृ॒ह - प॒तेः । वाक् । स्या॒त् । उ॒परि॑ष्टात्
। छ॒न्दो॑मा॒नामि॒ति छ॒न्दः - मा॒नाम् । म॒हा॒व्रतमि॒ति महा॑ - व्र॒तम् । कु॒र्वन्ति॑ । संत॑ता॒मिति॑ सं-
त॒ता॒म् । ए॒व । वाच॑म् । अ॒वेति॑ । रु॒न्ध॒ते । अ॒नु॒प॒दा॒सु॒केत्यनु॑प - दा॒सु॒का । गृ॒हप॑ते॒रिति॑
गृ॒ह - प॒तेः । वाक् । भ॒वति॑ । प॒शवः॑ । वै । छ॒न्दो॑मा इति॑ छ॒न्दः - माः । अ॒न्नम् ।
म॒हा॒व्रतमि॒ति महा॑ - व्र॒तम् । यत् । उ॒परि॑ष्टात् । छ॒न्दो॑मा॒नामि॒ति छ॒न्दः - मा॒नाम् । म॒हा॒व्रतमि॒ति
महा॑ - व्र॒तम् । कु॒र्वन्ति॑ । प॒शुषु॑ । च॒ । ए॒व । अ॒न्नाद्य॑ इत्य॒न्न - अ॒द्यै । च॒ । प्र॒तीति॑ । तिष्ठ॑न्ति ॥

9 TS 7.3.4.1

TS 7.3.4.1

Samhita Paata

आदित्या अकामयन्तो-भयोर्लोकयोर् ऋद्ध्यामेति त एतं चतुर्दशरात्र- मपश्यन् तमाऽहरन् तेनायजन्त
ततो वै त उभयोर्-लोकयो-रार्द्धवन्तस्मिंश्चा-मुष्मिंश्च य एवं विद्वांस-श्चतुर्दशरात्रमासंत उभयोरेव
लोकयोर् ऋद्धवन्त्यस्मिंश्चा-मुष्मिंश्च चतुर्दशरात्रो भवति सप्त ग्राम्या ओषधयः सप्ताऽऽरण्या
उभयीषामवरुद्ध्यै यत् पुराचीनानि पृष्ठानि - []

Pada Paata

आदित्याः । अकामयन्त । उभयोः । लोकयोः । ऋद्ध्याम् । इति । ते । एतम् ।
चतुर्दशरात्रमिति चतुर्दश - रात्रम् । अपश्यन् । तम् । एति । अहरन् । तेन । अयजन्त ।
ततः । वै । ते । उभयोः । लोकयोः । आर्द्धवन्त । अस्मिन् । च । अमुष्मिन् । च
। ये । एवम् । विद्वांसः । चतुर्दशरात्रमिति चतुर्दश - रात्रम् । आसन्ते । उभयोः । एव
। लोकयोः । ऋद्धवन्ति । अस्मिन् । च । अमुष्मिन् । च । चतुर्दशरात्र इति चतुर्दश -
रात्रः । भवति । सप्त । ग्राम्याः । ओषधयः । सप्त । आरण्याः । उभयीषाम् । अवरुद्ध्या
इत्यवरुद्ध्यै । यत् । पुराचीनानि । पृष्ठानि ।

10 TS 7.3.4.2

TS 7.3.4.2

Samhita Paata

भवन्त्यमुमेव तैर्लोकमभि जयन्ति यत् प्रतीचीनानि पृष्ठानि भवन्तीममेव तैर्लोकमभि जयन्ति

त्रयस्त्रिंशौ म॑द्वय॒तः स्तोमौ॑ भव॒तुः साम्रा॑ज्यमे॒व गच्छ॑न्त्यधि॒राजौ भ॑वतोऽधि॒राजा ए॒व स॑मा॒नानां॑
भव॑न्त्यति॒रात्राव॑भितो॑ भव॒तुः परि॑गृहीत्यै ॥

Pada Paata

भव॑न्ति । अ॒मुम् । ए॒व । तैः । लो॒कम् । अ॒भीति॑ । ज॒यन्ति॑ । यत् । प्र॒तीची॑नानि । पृ॒ष्ठानि॑
। भव॑न्ति । इ॒मम् । ए॒व । तैः । लो॒कम् । अ॒भीति॑ । ज॒यन्ति॑ । त्रय॑स्त्रिं॒शाविति॑ त्रयः -
त्रिं॒शौ । म॑द्वय॒तः । स्तोमौ॑ । भव॒तुः । साम्रा॑ज्यमिति॑ सां - रा॒ज्यम् । ए॒व । ग॒च्छन्ति॑ ।
अ॒धि॒राजा॑वित्य॒धि - रा॒जौ । भव॒तुः । अ॒धि॒राजा॑ इत्य॒धि - रा॒जाः । ए॒व । स॑मा॒नानां॑ । भव॑न्ति
। अ॒ति॒रा॒त्रा॒वित्य॑ति - रा॒त्रौ । अ॒भितः॑ । भव॒तुः । परि॑गृहीत्या॒ इति॑ परि॑ - गृही॒त्यै ॥

11 TS 7.3.5.1

TS 7.3.5.1

Samhita Paata

प्र॒जाप॑तिः सु॒वर्गं॑ लो॒कमे॑त् तं दे॒वा अ॒न्वाय॑न् ता॒नादि॑त्याश्च॑ प॒शव॑श्चा॒न्वाय॑न् ते दे॒वा अ॑ब्रुव॒न्.
यान् प॒शूनु॑पाजी॒विष्म॑ त इ॒मे ऽन्वा॑ग्म॒न्निति॑ तेभ्य॑ ए॒तं च॑तु॒र्दश॑रा॒त्रं प्र॒त्यौह॑न् त आ॒दि॒त्याः पृ॒ष्ठैः
सु॒वर्गं॑ लो॒कमा॑ऽरो॒हन् त्र्य॒हाभ्या॑म॒स्मिन् लो॒के प॒शून् प्र॒त्यौह॑न् पृ॒ष्ठैरा॑दि॒त्या अ॒मुष्मि॑न् लो॒क आ॑र्द्ध॒वन्
त्र्य॒हाभ्या॑म॒स्मिन् - []

Pada Paata

प्रजापतिरिति प्रजा - पतिः । सुवर्गमिति सुवः - गम् । लोकम् । ऐत् । तम् । देवाः ।
 अन्विति । आयन्न । तान् । आदित्याः । च । पशवः । च । अन्विति । आयन्न ।
 ते । देवाः । अब्रुवन् । यान् । पशून् । उपार्जीविष्मेत्युप - अर्जीविष्म । ते । इमे ।
 अन्वाग्मन्नित्यनु-आग्मन्न । इति । तेभ्यः । एतम् । चतुर्दशरात्रमिति चतुर्दश-रात्रम् । प्रतीतिं
 । औहन्न । ते । आदित्याः । पृष्ठैः । सुवर्गमिति सुवः - गम् । लोकम् । एति । अरोहन्न
 । त्र्यहाभ्यामिति त्रि - अहाभ्याम् । अस्मिन्न । लोके । पशून् । प्रतीतिं । औहन्न । पृष्ठैः ।
 आदित्याः । अमुष्मिन्न । लोके । आर्द्धवन्न । त्र्यहाभ्यामिति त्रि - अहाभ्याम् । अस्मिन्न ।

12 TS 7.3.5.2

TS 7.3.5.2

Samhita Paata

लोके पशवो य एवं विद्वांसश्चतुर्दशरात्रमासंत उभयोरेव लोकयोर् ऋद्धुवन्त्यस्मिश्चामुष्मिश्च
 पृष्ठैरेवाऽमुष्मिन् लोक ऋद्धुवन्ति त्र्यहाभ्यामस्मिन् लोके ज्योतिर्गौरायुरिति त्र्यहो भवतीयं वाव
 ज्योतिरन्तरिक्षं गौरसावायुरिमानेव लोकानभ्यारोहन्ति यदन्यतः पृष्ठानि स्युर्विविधः स्यान्मद्ध्ये
 पृष्ठानि भवन्ति सविवधत्वायौ - []

Pada Paata

लोके । पशवः । ये । एवम् । विद्वांसः । चतुर्दशरात्रमिति चतुर्दश - रात्रम् । आसंते ।
 उभयोः । एव । लोकयोः । ऋद्धुवन्ति । अस्मिन्न । च । अमुष्मिन्न । च । पृष्ठैः । एव

। अ॒मुष्मि॑न् । लो॒के । ऋ॒द्ध॒वन्ति॑ । त्र्य॒हाभ्या॑मि॒ति॒ त्रि - अ॒हाभ्या॑म् । अ॒स्मिन् । लो॒के ।
ज्योतिः॑ । गौः । आ॒युः । इति॑ । त्र्य॒ह इति॑ त्रि-अ॒हः । भ॒वति॑ । इ॒यम् । वाव॑ । ज्योतिः॑
। अ॒न्तरि॑क्षम् । गौः । अ॒सौ । आ॒युः । इ॒मान् । ए॒व । लो॒कान् । अ॒भ्यारो॑ह॒न्तीत्य॑भि -
आ॒रोह॑न्ति । यत् । अ॒न्यतः॑ । पृ॒ष्ठानि॑ । स्युः । वि॒वि॒व॒धमि॒ति॒ वि-वि॒व॒धम् । स्यात् । म॒द्भ्ये॑
। पृ॒ष्ठानि॑ । भ॒वन्ति॑ । स॒वि॒व॒ध॒त्वायेति॑ स॒वि॒व॒ध - त्वाय॑ ।

13 TS 7.3.5.3

TS 7.3.5.3

Samhita Paata

-जो॑ वै वी॒र्यं॑ पृ॒ष्ठान्यो॑जं ए॒व वी॒र्यं॑ म॒द्भ्यतो॑ द॒धते॑ बृ॒हद्-र॒थन्त॑राभ्यां॑ य॒न्ती॒यं वाव॑ र॒थन्त॑रम॒सौ
बृ॒हदा॒भ्यामे॒व य॒न्त्यथो॑ अ॒नयो॑रे॒व प्र॒ति ति॑ष्ठन्त्ये॒ते वै य॒ज्ञस्या॑ञ्ज॒साय॑नी सु॒ती ता॒भ्यामे॒व सु॒वर्गं॑
लो॒कं य॑न्ति॒ परा॑ञ्चो॒ वा ए॒ते सु॒वर्गं॑ लो॒कम॒भ्यारो॑हन्ति॒ ये प॑रा॒चीना॑नि पृ॒ष्ठान्यु॑प॒यन्ति॑ प्र॒त्यङ् त्र्य॒हो
भ॑वति॒ प्र॒त्यव॑रूढ्या॒ अथो॑ प्र॒तिष्ठि॑त्या () उ॒भयो॑र्लो॒कयोर् ऋ॒द्धोत् ति॑ष्ठन्ति॒ चतु॑र्दशै॒तास्ता॑सां
या द॑श द॒शाक्ष॑रा वि॒राड॑न् वि॒राड् वि॒राजै॑वा॒न्नाद्य॑म॒व रु॒न्धते॑ याश्च॒तस्र॑श्च॒तस्रो॑ दि॒शो दि॒क्ष्वे॒व प्र॒ति
ति॑ष्ठन्त्यति॒रात्रा॑व॒भितो॑ भ॒वतुः॑ परि॒गृही॑त्यै ॥

Pada Paata

ओ॒जः । वै । वी॒र्यम् । पृ॒ष्ठानि॑ । ओ॒जः । ए॒व । वी॒र्यम् । म॒द्भ्यतः॑ । द॒धते॑ ।
बृ॒हद्भ्य॑न्त॒राभ्या॑मि॒ति॒ बृ॒हत् - र॒थन्त॑राभ्या॑म् । य॒न्ति॑ । इ॒यम् । वाव॑ । र॒थन्त॑रमि॒ति॒ र॒थं -

त॒रम् । अ॒सौ । बृ॒हत् । आ॒भ्याम् । ए॒व । य॒न्ति । अथो॒ इति॑ । अ॒नयोः॑ । ए॒व । प्र॒तीति॑ ।
 ति॒ष्ठन्ति॑ । ए॒ते इति॑ । वै । य॒ज्ञस्य॑ । अ॒ञ्जसा॑य॒नी इत्य॑ञ्जसा - अ॒य॒नी । सु॒ती इति॑ । ता॒भ्याम्
 । ए॒व । सु॒व॒र्गमि॑ति॒ सुवः॑ - ग॒म् । लो॒कम् । य॒न्ति । परा॑ञ्चः । वै । ए॒ते । सु॒व॒र्गमि॑ति॒
 सुवः॑ - ग॒म् । लो॒कम् । अ॒भ्यारो॑ह॒न्तीत्य॑भि - आ॒रोह॑न्ति । ये । प॒रा॒चीना॑नि । पृ॒ष्ठानि॑ ।
 उ॒प॒य॒न्तीत्यु॑प - य॒न्ति । प्र॒त्यङ् । त्र्य॒ह इति॑ त्रि - अ॒हः । भ॒व॒ति । प्र॒त्यव॑रूढ्या इति॑ प्रति -
 अव॑रूढ्यै । अथो॒ इति॑ । प्र॒ति॒ष्ठित्या॑ इति॑ प्र॒ति॒स्थि॒त्यै () । उ॒भयोः॑ । लो॒कयोः॑ । ऋ॒द्धा ।
 उ॒दि॒ति॑ । ति॒ष्ठन्ति॑ । च॒तुर्द॑शेति॒ चतुः॑ - द॒श । ए॒ताः । ता॒सांम् । याः । द॒श । द॒शाक्ष॑रेति॒
 द॒श - अ॒क्षरा॑ । वि॒राडिति॑ वि - राट् । अ॒न्नम् । वि॒राडिति॑ वि - राट् । वि॒राजे॑ति॒ वि - राजा॑ ।
 ए॒व । अ॒न्नाद्य॑मित्य॑न्न - अ॒द्यम् । अ॒वेति॑ । रु॒न्ध॒ते । याः । च॒त॒स्रः । च॒त॒स्रः । दि॒शः । दि॒क्षु
 । ए॒व । प्र॒तीति॑ । ति॒ष्ठन्ति॑ । अ॒ति॒रा॒त्रावि॑त्य॒ति - रा॒त्रौ । अ॒भितः॑ । भ॒व॒तः । परि॑गृहीत्या
 इति॑ परि॑ - गृहीत्यै ॥

14 TS 7.3.6.1

TS 7.3.6.1

Samhita Paata

इन्द्रो॒ वै स॒दृङ् दे॒वता॑भिरासीथ् स न व्यावृ॒तम॑गच्छथ् स प्र॒जाप॑तिमुपा॒धाव॑त् तस्मा॑ ए॒तं प॑ञ्चदशरा॒त्रं
 प्राय॑च्छत् तमाऽह॑रत् तेना॑यजत् ततो॒ वै सोऽन्या॑भि॒र्दे॒वता॑भि॒र्व्या॒वृ॒तम॑गच्छद्य ए॒वं वि॒द्वा॒ंसः प॑ञ्चदशरा॒त्रमा॑स॒ते
 व्या॒वृ॒तमे॒व पा॒प्मना॑ भ्रातृ॒व्येण॑ गच्छन्ति॒ ज्योति॑र्गौरायु॒रिति॑ त्र्य॒हो भ॑वती॒यं वा॒व ज्योति॑रन्तरि॒क्षं - []

Pada Paata

इन्द्रः । वै । सृष्टि॑ति स - दृङ् । दे॒वता॑भिः । आसीत् । सः । न । व्यावृ॑तमि॒ति वि
 - आवृ॑तम् । अ॒गच्छ॑त् । सः । प्र॒जाप॑तिमि॒ति प्र॒जा - प॒तिम् । उपे॑ति । अ॒धाव॑त् । तस्मै
 । ए॒तम् । प॒ञ्चद॑शरा॒त्रमि॒ति प॒ञ्चद॑श-रा॒त्रम् । प्रे॑ति । अ॒यच्छ॑त् । तम् । ए॒ति । अ॒हर॑त् ।
 तेन॑ । अ॒यज॑त् । ततः॑ । वै । सः । अ॒न्याभिः॑ । दे॒वता॑भिः । व्यावृ॑तमि॒ति वि - आवृ॑तम्
 । अ॒गच्छ॑त् । ये । ए॒वम् । वि॒द्वाश्सः॑ । प॒ञ्चद॑शरा॒त्रमि॒ति प॒ञ्चद॑श - रा॒त्रम् । आस॑ते ।
 व्यावृ॑तमि॒ति वि - आवृ॑तम् । ए॒व । पा॒प्मना॑ । भ्रातृ॑व्येण । ग॒च्छन्ति॑ । ज्योतिः॑ । गौः ।
 आयुः॑ । इति॑ । त्र्य॒ह इति॑ त्रि - अ॒हः । भ॒वति॑ । इ॒यम् । वाव॑ । ज्योतिः॑ । अ॒न्तरि॑क्षम् ।

15 TS 7.3.6.2

TS 7.3.6.2

Samhita Paata

गौर॑सावायु॑रे॒ष्वेव॑ लो॒केषु॑ प्र॒ति ति॑ष्ठन्त्यसं॒त्रं वा ए॒तद्-यद॑च्छन्दो॒मं यच्छ॑न्दो॒मा भव॑न्ति तेन॑ स॒त्रं
 दे॒वता॑ ए॒व पृ॒ष्ठैरव॑ रुन्धते प॒शूञ्छ॑न्दो॒मैरोजो॑ वै वी॒र्यं॑ पृ॒ष्ठानि॑ प॒शवः॑ छन्दो॒मा ओज॑स्ये॒व वी॒र्यं॑ प॒शुषु॑
 प्र॒ति ति॑ष्ठन्ति प॒ञ्चद॑शरा॒त्रो भ॑वति प॒ञ्चद॑शो वज्रो॒ वज्र॑मे॒व भ्रातृ॑व्येभ्यः प्र ह॑रन्त्यतिरा॒त्राव॑भितो॑ भवत
 इन्द्रि॑यस्य () परि॑गृहीत्यै ॥

Pada Paata

गौः । असौ । आयुः । एषु । एव । लोकेषु । प्रतीति । तिष्ठन्ति । असंत्रम् । वै । एतत्
 । यत् । अछन्दोममित्यछन्दः - मम् । यत् । छन्दोमा इति छन्दः - माः । भवन्ति । तेन

। सु॒त्रम् । दे॒वताः॑ । ए॒व । पृ॒ष्ठैः । अ॒वेति॑ । रु॒न्ध॒ते । प॒शून् । छ॒न्दो॒मैरि॑ति॒ छन्दः॑-मैः ।
 ओजः॑ । वै । वी॒र्य॑म् । पृ॒ष्ठानि॑ । प॒शवः॑ । छ॒न्दो॒मा इति॑ छन्दः - माः । ओज॑सि । ए॒व
 । वी॒र्ये॑ । प॒शुषु॑ । प्र॒तीति॑ । ति॒ष्ठन्ति॑ । प॒ञ्चद॑श॒रात्र॑ इति॑ पञ्चदश - रा॒त्रः । भ॒वति॑ । प॒ञ्चद॑श
 इति॑ पञ्च - द॒शः । व॒ज्रः । व॒ज्रम् । ए॒व । भ्रातृ॑व्येभ्यः । प्रेति॑ । ह॒रन्ति॑ । अ॒ति॒रा॒त्रावि॑त्यति
 - रा॒त्रौ । अ॒भितः॑ । भ॒वतः॑ । इ॒न्द्रि॒यस्य॑ () । परि॑गृहीत्या॒ इति॑ परि॑ - गृही॒त्यै ॥

16 TS 7.3.7.1

TS 7.3.7.1

Samhita Paata

इन्द्रो॑ वै शि॒थिल॑ इ॒वाऽप्र॑तिष्ठित आसी॒थ सोऽसु॑रेभ्योऽबि॒भेथ॑ स प्र॒जाप॑तिमुपा॒धाव॑त् तस्मा॑ ए॒तं
 प॑ञ्चदश॒रात्रं॑ व॒ज्रं प्राय॑च्छत् तेनासु॑रान् परा॒भाव्य॑ वि॒जित्य॑ श्रियं॑ गच्छदग्नि॒ष्टुता॑ पा॒प्मानं॑ निर॑दहत
 पञ्चदश॒रात्रेणो॑जो बलं॑ मिन्द्रि॒यं वी॒र्य॑मा॒त्मन्न॑धत्त य ए॒वं वि॒द्वांसः॑ पञ्चदश॒रात्रमा॑सते भ्रातृ॑व्याने॒व
 परा॒भाव्य॑ वि॒जित्य॑ श्रियं॑ गच्छन्त्यग्नि॒ष्टुता॑ पा॒प्मानं॑ नि - []

Pada Paata

इन्द्रः॑ । वै । शि॒थिलः॑ । इ॒व । अ॒प्रति॑ष्ठित॒ इत्य॑प्रति - स्थि॒तः । आ॒सीत् । सः । अ॒सु॒रेभ्यः॑
 । अ॒बि॒भेत् । सः । प्र॒जाप॑तिमि॒तिं प्र॒जा - प॒तिम् । उ॒पेति॑ । अ॒धा॒वत् । तस्मै॑ । ए॒तम् ।
 प॑ञ्चद॒श॒रात्र॑मि॒तिं पञ्च॑दश - रा॒त्रम् । व॒ज्रम् । प्रेति॑ । अ॒य॒च्छत् । तेन॑ । अ॒सु॒रान् । परा॒भाव्येति॑
 परा - भा॒व्यं । वि॒जित्येति॑ वि॒जित्यं॑ । श्रियं॑ । अ॒ग॒च्छत् । अ॒ग्नि॒ष्टुतेत्य॑ग्नि - स्तु॒ता । पा॒प्मानं॑

। निरितिं । अ॒दु॒ह॒त॒ । प॒ञ्चद॒शरा॒त्रेणेति॑ पञ्चदश - रा॒त्रेण॑ । ओजः॑ । बल॑म् । इन्द्रि॒यम् । वी॒र्य॑म् । आ॒त्मन् । अ॒ध॒त्त॒ । ये । ए॒वम् । वि॒द्वा॒शः॑ । प॒ञ्चद॒शरा॒त्रमिति॑ पञ्चदश - रा॒त्रम् । आ॒स॒ते । भ्रातृ॑व्यान् । ए॒व । प॒रा॒भा॒व्येति॑ परा - भा॒व्य॑ । वि॒जि॒त्येति॑ वि - जि॒त्य॑ । श्रि॒य॑म् । ग॒च्छ॒न्ति॒ । अ॒ग्नि॒ष्टुतेत्य॑ग्नि - स्तु॒ता॑ । पा॒प्मान॑म् । निरिति॑ ।

17 TS 7.3.7.2

TS 7.3.7.2

Samhita Paata

द॑हन्ते पञ्चदशरात्रेणौजो बलमिन्द्रियं वीर्यमात्मन् दधत एता एव पशव्याः पञ्चदश वा अर्द्धमासस्य रात्रयोऽर्द्धमासशः सँवथ्सुर आप्यते सँवथ्सुरं पशवोऽनु प्र जायन्ते तस्मात् पशव्या एता एव सुवर्ग्याः पञ्चदश वा अर्द्धमासस्य रात्रयोऽर्द्धमासशः सँवथ्सुर आप्यते सँवथ्सुरः सुवर्गो लोकस्तस्मात् सुवर्ग्या ज्योतिर्गौरायुरिति त्र्यहो भवतीयं वाव ज्योतिरन्तरिक्षं - []

Pada Paata

द॑हन्ते । प॒ञ्चद॒शरा॒त्रेणेति॑ पञ्चदश - रा॒त्रेण॑ । ओजः॑ । बल॑म् । इन्द्रि॒यम् । वी॒र्य॑म् । आ॒त्मन् । अ॒ध॒त्त॒ । ए॒ताः । ए॒व । प॒श॒व्याः॑ । प॒ञ्चद॒शेति॑ पञ्च - द॒श॒ । वै । अ॒र्द्ध॒मा॒स॒स्येत्य॑र्द्ध - मा॒स॒स्य॑ । रा॒त्रयः॑ । अ॒र्द्ध॒मा॒स॒श इत्य॑र्द्धमास - शः । सँव॒थ्सुर इति॑ सं-व॒थ्सुरः॑ । आ॒प्य॒ते । सँव॒थ्सुरमिति॑ सं-व॒थ्सुरम् । प॒शवः॑ । अ॒नु॒ । प्रेति॑ । जा॒य॒न्ते॒ । तस्मा॑त् । प॒श॒व्याः॑ । ए॒ताः । ए॒व । सु॒व॒र्ग्या इति॑ सुवः - र्ग्याः॑ । प॒ञ्चद॒शेति॑ पञ्च - द॒श॒ । वै । अ॒र्द्ध॒मा॒स॒स्येत्य॑र्द्ध - मा॒स॒स्य॑ । रा॒त्रयः॑ । अ॒र्द्ध॒मा॒स॒श इत्य॑र्द्धमास - शः । सँव॒थ्सुर इति॑ सं - व॒थ्सुरः॑ । आ॒प्य॒ते

। सँव॒त्स॒र इति॑ सं - व॒त्स॒रः । सु॒व॒र्ग इति॑ सु॒वः - गः । लो॒कः । तस्मा॑त् । सु॒व॒र्ग्या इति॑
 सु॒वः - ग्याः । ज्योतिः॑ । गौः । आयुः॑ । इति॑ । त्र्य॒ह इति॑ त्रि - अ॒हः । भ॒व॒ति । इ॒यम्
 । वा॒व । ज्योतिः॑ । अ॒न्तरि॑क्षम् ।

18 TS 7.3.7.3

TS 7.3.7.3

Samhita Paata

गौर॒सा॒वायु॑रि॒माने॒व लो॒कान॒भ्या॒रोह॑न्ति॒ यद॒न्यतः॑ पृ॒ष्ठानि॒ स्युर्वि॒विधः॑ स्या॒न्मद्भ्ये॑ पृ॒ष्ठानि॑ भ॒वन्ति॑
 स॒वि॒व॒ध॒त्वा॒यौजो॑ वै वी॒र्यं॑ पृ॒ष्ठान्यो॒जं ए॒व वी॒र्यं॑ म॒द्भ्यतो॑ द॒धते॑ बृ॒हद्-र॒थन्त॑रा॒भ्यां य॒न्तीयं॑ वा॒व
 र॒थन्त॑र॒मसौ॑ बृ॒हदा॒भ्यामे॒व य॒न्त्यथो॑ अ॒नयो॑रे॒व प्र॒ति ति॒ष्ठन्त्ये॒ते वै य॒ज्ञस्या॑ञ्ज॒साय॑नी स्मृ॒ती ता॒भ्यामे॒व
 सु॒व॒र्गं लो॒कं - []

Pada Paata

गौः । अ॒सौ । आयुः॑ । इ॒मान् । ए॒व । लो॒कान् । अ॒भ्या॒रोह॑न्ती॒त्यांभि॑ - आ॒रोह॑न्ति । यत्
 । अ॒न्यतः॑ । पृ॒ष्ठानि॑ । स्युः । वि॒वि॒ध॒मि॒ति वि॑ - वि॒व॒धम् । स्या॒त् । म॒द्भ्ये॑ । पृ॒ष्ठानि॑ ।
 भ॒व॒न्ति । स॒वि॒व॒ध॒त्वा॒येति॑ स॒वि॒व॒ध - त्वा॒यं । ओ॒जः । वै । वी॒र्यम् । पृ॒ष्ठानि॑ । ओ॒जः । ए॒व
 । वी॒र्यम् । म॒द्भ्यतः॑ । द॒धते॑ । बृ॒हद्-र॒थन्त॑रा॒भ्यामि॒ति बृ॒हद्-र॒थन्त॑रा॒भ्याम् । य॒न्ति । इ॒यम् ।
 वा॒व । र॒थन्त॑र॒मिति॑ र॒थं - त॒रम् । अ॒सौ । बृ॒हद् । आ॒भ्याम् । ए॒व । य॒न्ति । अ॒थो इति॑ ।
 अ॒नयोः॑ । ए॒व । प्र॒तीति॑ । ति॒ष्ठन्ति॑ । ए॒ते इति॑ । वै । य॒ज्ञस्य॑ । अ॒ञ्ज॒साय॑नी इत्य॑ञ्ज॒सा-अ॒य॑नी

। सु॒ती इति॑ । ता॒भ्याम् । ए॒व । सु॒व॒र्गमि॑ति॒ सु॒वः - ग॒म् । लो॒कम् ।

19 TS 7.3.7.4

TS 7.3.7.4

Samhita Paata

य॑न्ति॒ परा॑ञ्चो वा ए॒ते सु॒व॒र्गं लो॒कम्भ्या॑रोह॑न्ति॒ ये परा॑ची॒नानि॑ पृ॒ष्ठान्यु॑प॒यन्ति॑ प्र॒त्यङ् त्र्य॑हो भ॑वति॒
प्र॒त्यव॑रूढ्या॒ अथो॑ प्र॒तिष्ठि॑त्या उ॒भयो॑लो॒कयोर् ऋ॒द्धोत् तिष्ठ॑न्ति॒ पञ्च॑द॒शैता॑स्तासां॒ या द॑श द॒शाक्ष॑रा
वि॒राडन्न॑ वि॒राड् वि॒राजै॑वान्नाद्य॒मव॑ रुन्ध॑ते॒ याः पञ्च॑ पञ्च दि॒शो दि॒क्ष्वेव॑ प्र॒ति तिष्ठ॑न्त्यति॒रात्रा॑व॒भितो॑
भव॑त इन्द्रि॒यस्य॑ वी॒र्य॑स्य प्र॒जायै॑ () प॒शूनां॑ परि॒गृही॑त्यै ॥

Pada Paata

य॑न्ति॒ । परा॑ञ्चः । वै । ए॒ते । सु॒व॒र्गमि॑ति॒ सु॒वः - ग॒म् । लो॒कम् । अ॒भ्यारो॑ह॒न्तीत्य॑भि -
आ॒रोह॑न्ति । ये । परा॑ची॒नानि॑ । पृ॒ष्ठानि॑ । उ॒प॒यन्ती॑त्यु॒प - यन्ति॑ । प्र॒त्यङ् । त्र्य॑ह इति॑ त्रि
- अ॒हः । भ॑वति॒ । प्र॒त्यव॑रूढ्या॒ इति॑ प्र॒ति - अव॑रूढ्यै । अथो॑ इति॑ । प्र॒तिष्ठि॑त्या॒ इति॑ प्र॒ति
- स्थि॑त्यै । उ॒भयोः॑ । लो॒कयोः॑ । ऋ॒द्धा । उ॒दि॒ति । तिष्ठ॑न्ति । पञ्च॑द॒शेति॑ पञ्च - द॒श ।
ए॒ताः । ता॒सां । याः । द॑श । द॒शाक्ष॑रेति॒ दश॑ - अ॒क्षरा॑ । वि॒राडिति॑ वि - राट् । अ॒न्नम्
। वि॒राडिति॑ वि - राट् । वि॒राजे॑ति॒ वि - राजा॑ । ए॒व । अ॒न्नाद्य॑मित्य॒न्न - अद्य॑म् । अ॒वेति॑ ।
रुन्ध॑ते । याः । पञ्च॑ । पञ्च॑ । दि॒शः । दि॒क्षु । ए॒व । प्र॒तीति॑ । तिष्ठ॑न्ति । अ॒ति॒रा॒त्रावि॑त्य॒ति
- रा॒त्रौ । अ॒भितः॑ । भ॑व॒तः । इन्द्रि॒यस्य॑ । वी॒र्य॑स्य । प्र॒जाया॑ इति॑ प्र - जायै॑ () । प॒शूना॑म्

। परिगृहीत्या इति परि - गृहीत्यै ॥

20 TS 7.3.8.1

TS 7.3.8.1

Samhita Paata

प्रजापति-रकामयतान्नादः स्यामिति स एतश्च सप्तदशरात्र-मपश्यत् तमाऽहरत् तेनायजत् ततो वै
सोऽन्नादोऽभवद्य एवं विद्वाश्चः सप्तदश-रात्रमासते ऽन्नादा एव भवन्ति पञ्चाहो भवति पञ्च वा
ऋतवः सँवत्सर ऋतुष्वेव सँवत्सरे प्रति तिष्ठन्त्यथो पञ्चाक्षरा पङ्क्तिः पाङ्क्तो यज्ञो यज्ञमेवाऽव रुन्धते
ऽसत्रं वा एत- []

Pada Paata

प्रजापतिरिति प्रजा - पतिः । अकामयत् । अन्नाद इत्यन्न - अदः । स्याम् । इति । सः
। एतम् । सप्तदशरात्रमिति सप्तदश - रात्रम् । अपश्यत् । तम् । एति । अहरत् । तेन ।
अयजत् । ततः । वै । सः । अन्नाद इत्यन्न - अदः । अभवत् । ये । एवम् । विद्वाश्चः
। सप्तदशरात्रमिति सप्तदश-रात्रम् । आसते । अन्नादा इत्यन्न-अदाः । एव । भवन्ति । पञ्चाह
इति पञ्च - अहः । भवति । पञ्च । वै । ऋतवः । सँवत्सर इति सं - वत्सरः । ऋतुषु
। एव । सँवत्सर इति सं - वत्सरे । प्रतीति । तिष्ठन्ति । अथा इति । पञ्चाक्षरेति पञ्च -
अक्षरा । पङ्क्तिः । पाङ्क्तः । यज्ञः । यज्ञम् । एव । अवेति । रुन्धते । असत्रम् । वै । एतत् ।

21 TS 7.3.8.2

TS 7.3.8.2

Samhita Paata

-द्यदछन्दोमं यच्छन्दोमा भवन्ति तेन सत्रं देवता एव पृष्ठैरव रुन्धते पशूञ्छन्दोमैरोजो वै वीर्यं
पृष्ठानि पशवः छन्दोमा ओजस्येव वीर्यं पशुषु प्रति तिष्ठन्ति सप्तदशरात्रो भवति सप्तदशः प्रजापतिः
प्रजापतेरास्या अतिरात्रावभितो भवतोऽन्नाद्यस्य परिगृहीत्यै ॥

Pada Paata

यत् । अछन्दोममित्यछन्दः-मम् । यत् । छन्दोमा इति छन्दः - माः । भवन्ति । तेन ।
सत्रम् । देवताः । एव । पृष्ठैः । अवेति । रुन्धते । पशून् । छन्दोमैरिति छन्दः - मैः ।
ओजः । वै । वीर्यम् । पृष्ठानि । पशवः । छन्दोमा इति छन्दः - माः । ओजसि । एव ।
वीर्यं । पशुषु । प्रतीति । तिष्ठन्ति । सप्तदशरात्र इति सप्तदश - रात्रः । भवति । सप्तदश इति
सप्त - दशः । प्रजापतिरिति प्रजा-पतिः । प्रजापतेरिति प्रजा - पतेः । आस्यै । अतिरात्रावित्यति
- रात्रौ । अभितः । भवतुः । अन्नाद्यस्येत्यन्न - अद्यस्य । परिगृहीत्या इति परि - गृहीत्यै ॥

22 TS 7.3.9.1

TS 7.3.9.1

Samhita Paata

सा वि॒राड् वि॒क्रम्या॑तिष्ठद्-ब्रह्म॑णा दे॒वेष्व॑न्नेना-सु॒रेषु॑ ते दे॒वा अ॑कामयन्तो॒भय॑ꣳ सं॒वृ॒ञ्जीम॑हि ब्रह्म॑ चान्नं॑
चेति॑ त ए॒ता वि॒श्रुति॑ꣳ रात्री॑रपश्यन् ततो॒ वै त उ॒भय॑ꣳ सम॑वृञ्जत ब्रह्म॑ चान्नं॑ च ब्रह्म॑वर्च॒सिनो॑ऽन्ना॒दा
अ॑भवन्. य ए॒वं वि॒द्वाꣳसं ए॒ता आ॑सन्त उ॒भय॑मे॒व सं वृ॒ञ्जते॑ ब्रह्म॑ चान्नं॑ च - []

Pada Paata

सा । वि॒राडिति॑ वि - राट् । वि॒क्रम्येति॑ वि - क्रम्यं । अ॒तिष्ठत् । ब्रह्म॑णा । दे॒वेषु॑ । अ॒न्नेन॑ ।
असु॑रेषु । ते । दे॒वाः । अ॒काम॑यन्त । उ॒भय॑म् । समि॑ति । वृ॒ञ्जीम॑हि । ब्रह्म॑ । च । अ॒न्नम्
। च । इति॑ । ते । ए॒ताः । वि॒श्रुति॑म् । रात्रीः॑ । अ॒पश्य॑न् । ततः॑ । वै । ते । उ॒भय॑म्
। समि॑ति । अ॒वृञ्ज॑त । ब्रह्म॑ । च । अ॒न्नम् । च । ब्रह्म॑वर्च॒सिन इति॑ ब्रह्म - वर्च॒सिनः॑ ।
अ॒न्ना॒दा इत्य॑न्न - अ॒दाः । अ॒भव॑न् । ये । ए॒वम् । वि॒द्वाꣳसः॑ । ए॒ताः । आ॑सन्ते । उ॒भय॑म्
। ए॒व । समि॑ति । वृ॒ञ्जते॑ । ब्रह्म॑ । च । अ॒न्नम् । च ।

23 TS 7.3.9.2

TS 7.3.9.2

Samhita Paata

ब्रह्म॑वर्च॒सिनो॑ऽन्ना॒दा भ॑वन्ति॒ द्वे वा ए॒ते वि॒राजौ॑ तयो॒रेव॑ नाना॒ प्रति॑ तिष्ठन्ति वि॒श्रो वै पु॒रुषो॑ दश॒
हस्त्या॑ अ॒ङ्गुल॑यो दश॒ पद्मा॑ यावा॒नेव॑ पु॒रुष॑स्तमा॒स्त्वोत् तिष्ठ॑न्ति ज्योति॒र्गौरा॑युरिति॒ त्र्य॒हा भ॑वन्ती॒यं
वा॒व ज्योति॑रन्तरि॒क्षं गौ॑रसा॒वायु॑रि॒माने॑व लो॒का-न॒भ्यारो॑हन्त्यभिपूर्वं त्र्य॒हा भ॑वन्त्यभिपूर्वमे॒व सु॒वर्गं॑ -

[]

Pada Paata

ब्रह्मवर्चसि॑न् इति॑ ब्रह्म - वर्च॑सिन्ः । अ॒न्ना॒दा इत्य॑न्न - अ॒दाः । भ॒व॒न्ति । द्वे इति॑ । वै ।
 ए॒ते इति॑ । वि॒राजा॑विति॑ वि-राजौ । तयोः॑ । ए॒व । ना॒ना । प्र॒तीति॑ । ति॒ष्ठन्ति । वि॒शः
 । वै । पु॒रुषः । द॒श । ह॒स्त्याः । अ॒ङ्गुल॑यः । द॒श । प॒द्याः । या॒वान् । ए॒व ।
 पु॒रुषः । तम् । आ॒स्वा । उ॒दिति॑ । ति॒ष्ठन्ति । ज्योतिः॑ । गौः । आ॒युः । इति॑ । त्र्य॒हा
 इति॑ त्रि - अ॒हाः । भ॒व॒न्ति । इ॒यम् । वा॒व । ज्योतिः॑ । अ॒न्तरिक्ष॑म् । गौः । अ॒सौ ।
 आ॒युः । इ॒मान् । ए॒व । लो॒कान् । अ॒भ्यारो॑हन्तीत्य॑भि - आ॒रोह॑न्ति । अ॒भिपूर्व॑मित्य॑भि - पूर्॒वम्
 । त्र्य॒हा इति॑ त्रि - अ॒हाः । भ॒व॒न्ति । अ॒भिपूर्व॑मित्य॑भि - पूर्॒वम् । ए॒व । सु॒वर्ग॑मिति॑ सु॒वः - गम् ।

24 TS 7.3.9.3**TS 7.3.9.3****Samhita Paata**

लो॒कम्भ्यारो॑हन्ति॒ यद॒न्यतः॑ पृ॒ष्ठानि॒ स्युर्वि॑र्वि॒वधः॑ स्या॒न्मद्भ्ये॑ पृ॒ष्ठानि॑ भ॒वन्ति॑ स॒विव॑ध॒त्वायौजो॑ वै वी॒र्यं॑
 पृ॒ष्ठान्यो॑ज ए॒व वी॒र्यं॑ म॒द्भ्यतो॑ द॒धते॑ बृ॒हद्-र॑थन्त॒राभ्यां॑ य॒न्ती॒यं वा॒व र॑थन्त॒रम॒सौ बृ॒हदा॑भ्यामे॒व य॒न्त्यथो॑
 अ॒नयो॑रे॒व प्र॒ति ति॒ष्ठन्त्ये॑ते वै य॒ज्ञस्या॑ञ्ज॒साय॑नी सु॒ती ता॒भ्यामे॒व सु॒वर्गं॑ लो॒कं य॑न्ति॒ परा॑ञ्चो वा ए॒ते
 सु॒वर्गं॑ () लो॒कम्भ्यारो॑हन्ति॒ ये प॑रा॒चीना॑नि पृ॒ष्ठान्यु॑प॒यन्ति॑ प्र॒त्यङ् त्र्य॒हो भ॑वति प्र॒त्यव॑रूढ्या॒ अथो॑
 प्र॒तिष्ठि॑त्या उ॒भयो॑र्लो॒कयो॑र॒ ऋ॒द्धोत् ति॒ष्ठन्त्यति॑रा॒त्राव॑भितो॑ भ॒वतो॑ ब्रह्मवर्च॑स-स्या॒न्नाद्य॑स्य॒ परि॑गृहीत्यै

॥

Pada Paata

लो॒कम् । अ॒भ्यारो॑ह॒न्तीत्य॑भि॒-आरो॑हन्ति । यत् । अ॒न्यतः॑ । पृ॒ष्ठानि॑ । स्युः । वि॒वि॒व॒ध॒मि॒ति
 वि - वि॒व॒ध॒म् । स्या॒त् । म॒द्भ्यै॑ । पृ॒ष्ठानि॑ । भ॒व॒न्ति । स॒वि॒व॒ध॒त्वाये॑ति॒ सवि॒व॒ध - त्वाय॑
 । ओजः॑ । वै । वी॒र्य॑म् । पृ॒ष्ठानि॑ । ओजः॑ । ए॒व । वी॒र्य॑म् । म॒द्भ्यतः॑ । द॒ध॒ते ।
 बृ॒ह॒द्भ॒थ॒न्तरा॑भ्या॒मिति॑ बृ॒हत् - र॒थ॒न्तरा॑भ्या॒म् । य॒न्ति । इ॒यम् । वा॒व । र॒थ॒न्तरा॑मिति॒ रथं -
 त॒रम् । अ॒सौ । बृ॒हत् । आ॒भ्याम् । ए॒व । य॒न्ति । अथो॑ इति॒ । अ॒नयोः॑ । ए॒व ।
 प्र॒तीति॑ । ति॒ष्ठ॒न्ति । ए॒ते इति॑ । वै । य॒ज्ञस्य॑ । अ॒ञ्ज॒साय॑नी॒ इत्य॑ञ्ज॒सा - अ॒य॑नी । सु॒ती
 इति॑ । ता॒भ्याम् । ए॒व । सु॒व॒र्गमि॑ति॒ सुवः॑ - ग॒म् । लो॒कम् । य॒न्ति । परा॑ञ्चः । वै ।
 ए॒ते । सु॒व॒र्गमि॑ति॒ सुवः॑ - ग॒म् () । लो॒कम् । अ॒भ्यारो॑ह॒न्तीत्य॑भि - आरो॑हन्ति । ये ।
 प॒रा॒चीना॑नि । पृ॒ष्ठानि॑ । उ॒प॒य॒न्तीत्यु॑प - य॒न्ति । प्र॒त्यङ् । त्र्य॒ह इति॑ त्रि - अ॒हः । भ॒व॒ति ।
 प्र॒त्यव॑रूढ्या॒ इति॑ प्र॒ति - अव॑रूढ्यै । अथो॑ इति॒ । प्र॒ति॒ष्ठि॒त्या इति॑ प्र॒ति - स्थि॒त्यै । उ॒भयोः॑
 । लो॒कयोः॑ । ऋ॒द्धा । उ॒दिति॑ । ति॒ष्ठ॒न्ति । अ॒ति॒रा॒त्रा॒वित्य॑ति - रा॒त्रौ । अ॒भितः॑ । भ॒व॒तः ।
 ब्र॒ह्म॒व॒र्च॒सस्ये॑ति॒ ब्रह्म॑ - व॒र्च॒सस्य॑ । अ॒न्ना॒द्य॒स्येत्य॑न्न - अ॒द्य॒स्य । परि॑गृही॒त्या इति॑ परि॑ - गृही॒त्यै ॥

25 TS 7.3.10.1**TS 7.3.10.1****Samhita Paata**

अ॒सावा॑दि॒त्योऽस्मिन्॑ लो॒क आ॑सीत् तं दे॒वाः पृ॒ष्ठैः प॑रि॒गृह्य॑ सु॒वर्गं॑ लो॒कम॑गमयन् परै॒रव॑स्तात्
 पर्य॑गृह्णन् दि॒वाकी॑र्त्येन सु॒वर्गे लो॒के प्र॑त्य॒स्थाप॑यन् परैः" प॒रस्ता॑त् पर्य॑गृह्णन् पृ॒ष्ठैरु॒पावा॑रोह॒न्त्स वा
 अ॒सावा॑दि॒त्योऽमु॒ष्मिन्॑ लो॒के परै॑रु॒भय॑तः परि॑गृहीतो यत् पृ॒ष्ठानि॑ भव॑न्ति सु॒वर्गमे॒व तैर्लो॒कं य॑ज॒माना
 यन्ति॑ परै॒रव॑स्तात् परि॑ गृह्णन्ति दि॒वाकी॑र्त्येन - []

Pada Paata

अ॒सौ । आ॒दि॒त्यः । अ॒स्मिन् । लो॒के । आ॑सीत् । तम् । दे॒वाः । पृ॒ष्ठैः । प॑रि॒गृह्ये॑ति परि
 - गृह्य॑ । सु॒वर्गमि॑ति सु॒वः - गम् । लो॒कम् । अ॒गम॑यन् । परैः" । अ॒वस्ता॑त् । परी॑ति ।
 अ॒गृह्ण॑न् । दि॒वाकी॑र्त्येनेति दि॒वा - की॑र्त्येन । सु॒वर्ग इति॑ सु॒वः - गे । लो॒के । प्रती॑ति ।
 अ॒स्थाप॑यन् । परैः" । प॒रस्ता॑त् । परी॑ति । अ॒गृह्ण॑न् । पृ॒ष्ठैः । उ॒पावा॑रोह॒न्नित्यु॑प - अ॒वा॒रोह॑न्
 । सः । वै । अ॒सौ । आ॒दि॒त्यः । अ॒मु॒ष्मिन् । लो॒के । परैः" । उ॒भय॑तः । परि॑गृहीत॒ इति॑
 परि॑-गृहीतः । यत् । पृ॒ष्ठानि॑ । भव॑न्ति । सु॒वर्गमि॑ति सु॒वः - गम् । ए॒व । तैः । लो॒कम्
 । य॑ज॒मानाः । य॒न्ति । परैः" । अ॒वस्ता॑त् । परी॑ति । गृह्ण॑न्ति । दि॒वाकी॑र्त्येनेति दि॒वा - की॑र्त्येन ।

26 TS 7.3.10.2

TS 7.3.10.2

Samhita Paata

सु॒वर्गे लो॒के प्र॑ति तिष्ठन्ति परैः" प॒रस्ता॑त् परि॑ गृह्णन्ति पृ॒ष्ठैरु॒पावा॑रोहन्ति यत् परे प॒रस्ता॑न्न स्युः परा॑ञ्चः
 सु॒वर्गा-ल्लो॒कान्निष्प॑द्येरन्. यदु॒वस्ता॑न्न स्युः प्र॒जा निर्द॑हेयुर॒भितो॑ दि॒वाकी॑र्त्यं परं॑स्सामानो भवन्ति सु॒वर्ग

ए॒वैनाँ॑ लो॒क उ॒भ॒यतः॑ परि॑ गृह्णन्ति॒ यज॑माना॒ वै दि॒वाकी॒र्त्यः॑ सँव॒थ्स॒रः पर॑स्सामानोऽभितो॑ दि॒वाकी॒र्त्यं
पर॑स्सामानो भवन्ति सँव॒थ्स॒र ए॒वोभ॒यतः॑ - []

Pada Paata

सु॒व॒र्ग इति॑ सु॒वः-गे । लो॒के । प्रती॑ति । ति॒ष्ठन्ति॑ । परैः॑ । प॒रस्ता॑त् । परी॑ति । गृह्ण॑न्ति ।
पृ॒ष्ठैः । उ॒पाव॑रोह॒न्तीत्यु॑प - अ॒व॑रोहन्ति । यत् । परैः॑ । प॒रस्ता॑त् । न । स्युः॑ । परा॑ञ्चः ।
सु॒व॒र्गादि॑ति॒ सु॒वः - गा॒त् । लो॒कात् । निरि॑ति । प॒द्ये॒रन् । यत् । अ॒वस्ता॑त् । न । स्युः॑
। प्र॒जा इति॑ प्र - जाः । निरि॑ति । द॒हे॒युः । अ॒भितः॑ । दि॒वाकी॒र्त्यमि॑ति॒ दि॒वा - की॒र्त्यम् ।
पर॑स्सामान॒ इति॑ परः॑ - सा॒मा॒नः । भ॒वन्ति॑ । सु॒व॒र्ग इति॑ सु॒वः - गे । ए॒व । ए॒ना॒न् । लो॒के ।
उ॒भ॒यतः॑ । परी॑ति । गृह्ण॑न्ति । यज॑मानाः । वै । दि॒वाकी॒र्त्यमि॑ति॒ दि॒वा - की॒र्त्यम् । सँव॒थ्स॒र
इति॑ सं - व॒थ्स॒रः । पर॑स्सामान॒ इति॑ परः॑ - सा॒मा॒नः । अ॒भितः॑ । दि॒वाकी॒र्त्यमि॑ति॒ दि॒वा -
की॒र्त्यम् । पर॑स्सामान॒ इति॑ परः॑ - सा॒मा॒नः । भ॒वन्ति॑ । सँव॒थ्स॒र इति॑ सं - व॒थ्स॒रे । ए॒व ।
उ॒भ॒यतः॑ ।

27 TS 7.3.10.3

TS 7.3.10.3

Samhita Paata

प्रति॑ तिष्ठन्ति पृ॒ष्ठं वै॑ दि॒वाकी॒र्त्यं पा॒र्श्वे पर॑स्सामानोऽभितो॑ दि॒वाकी॒र्त्यं पर॑स्सामानो भवन्ति
तस्मा॑दु॒भितः॑ पृ॒ष्ठं पा॒र्श्वे भूयि॑ष्ठा॒ ग्रहा॑ गृह्णन्ते भूयि॑ष्ठः शस्यते य॒ज्ञस्यै॒व तन्म॑द्व्य॒तो ग्र॒न्थिं ग्रंथ॑न्त्यवि॒स्रसा॑य

सुप्त गृह्यन्ते सुप्त वै शीरूषण्याः प्राणाः प्राणानेव यजमानेषु दधति यत् पराचीनानि पृष्ठानि
भवन्त्यमुमेव तै-लोकमभ्यारोहन्ति यदिमं लोकं न - []

Pada Paata

प्रतीतिं । तिष्ठन्ति । पृष्ठम् । वै । दिवाकीर्त्यमिति दिवा - कीर्त्यम् । पार्श्वे इति । परस्सामान इति
परः - सामानः । अभितः । दिवाकीर्त्यमिति दिवा - कीर्त्यम् । परस्सामान इति परः-सामानः
। भवन्ति । तस्मात् । अभितः । पृष्ठम् । पार्श्वे इति । भूयिष्ठाः । ग्रहाः । गृह्यन्ते । भूयिष्ठम्
। शस्यते । यज्ञस्य । एव । तत् । मद्ध्यतः । ग्रन्थिम् । ग्रन्थन्ति । अविस्त्रसायेत्यवि-
- स्त्रसाय । सुप्त । गृह्यन्ते । सुप्त । वै । शीरूषण्याः । प्राणा इति प्र - अनाः ।
प्राणानिति प्र - अनान् । एव । यजमानेषु । दधति । यत् । पराचीनानि । पृष्ठानि । भवन्ति ।
अमुम् । एव । तैः । लोकम् । अभ्यारोहन्तीत्यभि-आरोहन्ति । यत् । इमम् । लोकम् । न ।

28 TS 7.3.10.4

TS 7.3.10.4

Samhita Paata

प्रत्यव-रोहेयुरुद्धा माघेयुर्यजमानाः प्र वा मीयेरन् यत् प्रतीचीनानि पृष्ठानि भवन्तीममेव तैलोकं
प्रत्यवरोहन्त्यथो अस्मिन्नेव लोके प्रति तिष्ठन्त्यनुन्मादायेन्द्रो वा अप्रतिष्ठित आसीथ् स प्रजापति-
मुपाधावत् तस्मा एतमेकविंशतिरात्रं प्रायच्छत् तमाऽहरत् तेनायजत् ततो वै स प्रत्यतिष्ठद्ये
बहुयाजिनो ऽप्रतिष्ठिताः - []

Pada Paata

प्रत्य॒व॒रो॒हे॒युरि॑तिं प्रति - अ॒व॒रो॒हे॒युः । उ॒दि॒तिं । वा । मा॒द्ये॒युः । य॒ज॒मा॒नाः । प्रे॒तिं । वा ।
 मी॒ये॒र॒न् । यत् । प्र॒ती॒ची॒ना॒नि । पृ॒ष्ठानि॑ । भ॒व॒न्ति । इ॒मम् । ए॒व । तैः । लो॒कम् ।
 प्र॒त्य॒व॒रो॒ह॒न्ती॑तिं प्रति - अ॒व॒रो॒ह॒न्ति । अ॒थो इ॒तिं । अ॒स्मिन् । ए॒व । लो॒के । प्र॒ती॒तिं । ति॒ष्ठन्ति॑
 । अ॒नु॒न्मा॒दा॒ये॒त्यनु॑त् - मा॒दा॒य । इ॒न्द्रः । वै । अ॒प्र॒ति॒ष्ठि॒त॒ इत्य॑प्रति - स्था॒तः । आ॒सी॒त् । सः ।
 प्र॒जा॒प॒ति॒मि॒तिं प्र॒जा॒प॒तिम् । उ॒पे॒तिं । अ॒धा॒व॒त् । तस्मै॑ । ए॒तम् । ए॒क॒वि॒ं॒श॒ति॒रा॒त्र॒मि॒त्ये॒क॒वि॒ं॒श॒ति॑
 - रा॒त्रम् । प्रे॒तिं । अ॒य॒च्छ॒त् । तम् । ए॒तिं । अ॒ह॒र॒त् । तेन॑ । अ॒य॒ज॒त् । ततः॑ । वै । सः
 । प्र॒ती॒तिं । अ॒ति॒ष्ठ॒त् । ये । ब॒हु॒या॒जि॒न् इति॑ बहु - या॒जिनः॑ । अ॒प्र॒ति॒ष्ठि॒ता॒ इत्य॑प्रति - स्था॒ताः ।

29 TS 7.3.10.5**TS 7.3.10.5****Samhita Paata**

स्युस्त एकविंशति-रात्रमासीरन् द्वादश मासाः पञ्चर्तवस्त्रय इमे लोका असावादित्य एकविंश
 एतावन्तो वै देवलोकास्तेष्वेव यथा पूर्वं प्रति तिष्ठन्त्यसावादित्यो न व्यरोचत स प्रजापतिमुपाधावत्
 तस्मा एतमेकविंशतिरात्रं प्रायच्छत् तमाऽहरत् तेनायजत् ततो वै सो ऽरोचत् य एवं विद्वांसं
 एकविंशतिरात्रमासंते () रोचन्त एवैकविंशतिरात्रो भवति रुग्वा एकविंशो रुचमेव गच्छन्त्यथो
 प्रतिष्ठामेव प्रतिष्ठा ह्येकविंशो ऽतिरात्रावभितो भवतो ब्रह्मवर्चसस्य परिगृहीत्यै ॥

Pada Paata

स्युः । ते । एकविंशतिरात्रमित्येकविंशति - रात्रम् । आसीरन् । द्वादश । मासाः । पञ्च
 । ऋतवः । त्रयः । इमे । लोकाः । असौ । आदित्यः । एकविंश इत्येक - विंशः ।
 एतावन्तः । वै । देवल्लोका इति देव - लोकाः । तेषु । एव । यथापूर्वमिति यथा - पूर्वम्
 । प्रतीतिं । तिष्ठन्ति । असौ । आदित्यः । न । वीतिं । अरोचत । सः । प्रजापतिमिति
 प्रजा - पतिम् । उपेतिं । अधावत् । तस्मै । एतम् । एकविंशतिरात्रमित्येकविंशति - रात्रम्
 । प्रेतिं । अयच्छत् । तम् । एतिं । अहरत् । तेन । अयजत् । ततः । वै । सः ।
 अरोचत । ये । एवम् । विद्वांसः । एकविंशतिरात्रमित्येकविंशति - रात्रम् । आसते ()
 । रोचन्ते । एव । एकविंशतिरात्र इत्येकविंशति - रात्रः । भवति । रुक् । वै । एकविंश
 इत्येक - विंशः । रुचम् । एव । गच्छन्ति । अथो इति । प्रतिष्ठामिति प्रति - स्थाम्
 । एव । प्रतिष्ठेति प्रति - स्था । हि । एकविंश इत्येक - विंशः । अतिरात्रावित्यति -
 रात्रौ । अभितः । भवतः । ब्रह्मवर्चसस्येति ब्रह्म - वर्चसस्यं । परिगृहीत्या इति परि - गृहीत्यै ॥

30 TS 7.3.11.1**TS 7.3.11.1****Samhita Paata**

अर्वाङ् यज्ञः सं क्रामत्वमुष्मादधि मामभि । ऋषीणां यः पुरोहितः ॥ निर्देवं निर्वीरं कृत्वा
 विष्कन्धं तस्मिन् हीयतां योऽस्मान् द्वेष्टि । शरीरं यज्ञशमलं कुसीदं तस्मिन्त्थसीदतु योऽस्मान् द्वेष्टि
 ॥ यज्ञं यज्ञस्य यत् तेजस्तेन संक्रामं मामभि । ब्राह्मणानृत्विजो देवान् यज्ञस्य तपसा ते सवाहमा

हुवे ॥ इष्टेन पक्रमुप - []

Pada Paata

अ॒र्वाङ् । य॒ज्ञः । स॒मि॒तिं । क्रा॒म॒तु । अ॒मुष्मा॑त् । अधी॒तिं । मा॒म् । अ॒भि ॥ ऋ॒षी॑णाम्
 । यः । पु॒रोहि॑त् इति॑ पु॒रः - हि॒तः ॥ नि॒र्दे॒व॒मि॒ति॒ निः - दे॒वम् । नि॒र्वी॒र॒मि॒ति॒ निः - वी॒रम्
 । कृ॒त्वा । वि॒ष्क॑न्ध॒मि॒ति॒ वि - स्क॑न्धम् । तस्मि॑न् । ही॒य॒ता॒म् । यः । अ॒स्मान् । द्वेष्टि॑ ॥
 शरी॑रम् । य॒ज्ञश॑म॒ल॒मि॒ति॒ य॒ज्ञ - श॑म॒लम् । कु॒सी॑दम् । तस्मि॑न् । सी॒द॒तु । यः । अ॒स्मान् ।
 द्वेष्टि॑ ॥ य॒ज्ञ । य॒ज्ञस्य॑ । यत् । तेजः॑ । तेन॑ । स॒मि॒तिं । क्रा॒म॒ । मा॒म् । अ॒भि ॥ ब्रा॒ह्म॒णान्
 । ऋ॒त्विजः॑ । दे॒वान् । य॒ज्ञस्य॑ । तप॑सा । ते । स॒व॒ । अ॒हम् । ए॒ति॒ । हु॒वे ॥ इ॒ष्टेन॑ ।
 प॒क्रम् । उ॒पेति॑ ।

31 TS 7.3.11.2

TS 7.3.11.2

Samhita Paata

ते हुवे सवा॒हं । सं ते वृ॒ञ्जे सु॒कृ॒तः सं प्र॒जां प॒शून् ॥ प्रै॒षान्ध्र॑-सा॒मि॒धेनी॑-रा॒घ्रा॒वाज्य॑भा॒गा॒वा-श्रु॑तं
 प्र॒त्याश्रु॑त॒मा श्रृ॑णामि ते । प्र॒या॒जानू॒या॒जान्ध्र॑-स्वि॒ष्ट॒कृ॒त॒मि॒डा॒मा॒शि॒ष आ वृ॒ञ्जे सु॒वः ॥ अ॒ग्नि॒ने॒न्द्रेण॑
 सोमे॑न॒ सर॑स्व॒त्या वि॒ष्णु॑ना दे॒वता॑भिः । या॒ज्या॒नुवा॒क्याभ्या॑मु॒प ते हु॒वे सवा॒हं य॒ज्ञमा द॑दे ते वष॑ट्कृतं
 ॥ स्तु॒तः श॒स्त्रं प्र॑ति॒गरं ग्र॒ह॒मि॒डा॒मा॒शि॒ष - []

Pada Paata

ते । हुवे । सव । अहम् ॥ समिति । ते । वृञ्जे । सुकृतमिति सु - कृतम् । समिति । प्रजामिति
 प्र - जाम् । पशून् ॥ प्रैषानिति प्र - एषान् । सामिधेनीरिति सां - इधेनीः । आघारावित्या -
 घारौ । आज्यभागावित्याज्य - भागौ । आश्रुतमित्या - श्रुतम् । प्रत्याश्रुतमिति प्रति - आश्रुतम्
 । एति । शृणामि । ते ॥ प्रयाजानूयाजानिति प्रयाज - अनुयाजान् । स्विष्टकृतमिति स्विष्ट -
 कृतम् । इडाम् । आशिष इत्या - शिषः । एति । वृञ्जे । सुवः ॥ अग्निना । इन्द्रेण । सोमेन
 । सरस्वत्या । विष्णुना । देवताभिः ॥ याज्यानुवाक्याभ्यामिति याज्या - अनुवाक्याभ्याम् ।
 उपेति । ते । हुवे । सव । अहम् । यज्ञम् । एति । ददे । ते । वषट्कृतमिति वषट् - कृतम्
 ॥ स्तुतम् । शस्त्रम् । प्रतिगरमिति प्रति - गरम् । ग्रहम् । इडाम् । आशिष इत्या - शिषः ।

32 TS 7.3.11.3**TS 7.3.11.3****Samhita Paata**

आ वृञ्जे सुवः । पत्नीसंयाजानुप ते हुवे सवाहः समिष्टयजुरा ददे तव ॥ पशून्-सुतं पुरोडाशान्-
 सवनान्योत यज्ञं । देवान्-सेन्द्रानुप ते हुवे सवाह-मग्निमुखान्-सोमंवतो ये च विश्वे ॥

Pada Paata

एति । वृञ्जे । सुवः ॥ पत्नीसंयाजानिति पत्नी-संयाजान् । उपेति । ते । हुवे । सव । अहम्

। समिष्टयजुरिति समिष्ट - यजुः । एति । दुदे । तव ॥ पशून् । सुतम् । पुरोडाशान् ।
सवनानि । एति । उत । यज्ञम् ॥ देवान् । सेन्द्रानिति स-इन्द्रान् । उपेति । ते । हुवे ।
सुव । अहम् । अग्निमुखानित्यग्नि - मुखान् । सोमवत इति सोम-वतः । ये । च । विश्वे ॥

33 TS 7.3.12.1

TS 7.3.12.1

Samhita Paata

भूतं भव्यं भविष्यद्वषट् स्वाहा नम ऋक् साम यजुर्वषट् स्वाहा नमो गायत्री त्रिष्टुब् जगती
वषट् स्वाहा नमः पृथिव्यन्तरिक्षं द्यौर्वषट् स्वाहा नमो अग्निर्वायुः सूर्यो वषट् स्वाहा नमः
प्राणो-व्यानो-अपानो वषट् स्वाहा नमो अन्नं कृषि-वृष्टि-वषट् स्वाहा नमः पितापुत्रः पौत्रो वषट्
स्वाहा नमो भूर्भुवः () सुवर्वषट् स्वाहा नमः ॥

Pada Paata

भूतम् । भव्यम् । भविष्यत् । वषट् । स्वाहा । नमः । ऋक् । साम । यजुः । वषट्
। स्वाहा । नमः । गायत्री । त्रिष्टुप् । जगती । वषट् । स्वाहा । नमः । पृथिवी ।
अन्तरिक्षम् । द्यौः । वषट् । स्वाहा । नमः । अग्निः । वायुः । सूर्यः । वषट् ।
स्वाहा । नमः । प्राण इति प्र - अनः । व्यान इति वि - अनः । अपान इत्यप-अनः ।
वषट् । स्वाहा । नमः । अन्नम् । कृषिः । वृष्टिः । वषट् । स्वाहा । नमः । पिता ।
पुत्रः । पौत्रः । वषट् । स्वाहा । नमः । भूः । भुवः () । सुवः । वषट् । स्वाहा । नमः ॥

34 TS 7.3.13.1

TS 7.3.13.1

Samhita Paata

आ मे॑ गृहा॑ भव॑न्त्वा प्र॒जा म॒ आ मां य॒ज्ञो वि॑शतु वी॒र्या॑वान् । आपो॑ देवी॒र्यज्ञि॑या माऽऽवि॑शन्तु
स॒हस्र॑स्य मा भू॒मा मा प्र हा॑सीत् ॥ आ मे॑ ग्रहो॑ भव॑त्वा पु॒रोरु॑ख् स्तु॑तश॒स्त्रे मा ऽऽ वि॑शताः
स॒मीची॑ । अ॒दित्या॑ रु॒द्रा वस॑वो मे सद॒स्याः॑ स॒हस्र॑स्य मा भू॒मा मा प्र हा॑सीत् ॥ आ मा॑ऽग्नि॒ष्टोमो॑
वि॑शतू () कथ्य॑श्चाति॒रात्रो॑ माऽऽ वि॑शत्वापि॒शर्व॑रः । ति॒रोअ॑ह्नि॒या मा सु॑हु॒ता आ वि॑शन्तु स॒हस्र॑स्य
मा भू॒मा मा प्र हा॑सीत् ॥

Pada Paata

एति॑ । मे॑ । गृहाः॑ । भव॑न्तु । एति॑ । प्र॒जेति॑ प्र - जा । मे॑ । एति॑ । मा॒ । य॒ज्ञः । वि॑शतु ।
वी॒र्या॑वा॒निति॑ वी॒र्य - वा॒न् ॥ आपः॑ । देवीः॑ । य॒ज्ञियाः॑ । मा॒ । एति॑ । वि॑शन्तु । स॒हस्र॑स्य ।
मा॒ । भू॒मा । मा॒ । प्रेति॑ । हा॒सीत् ॥ एति॑ । मे॑ । ग्रहः॑ । भव॑तु । एति॑ । पु॒रोरु॑गिति॑ पुरः -
रुक् । स्तु॑तश॒स्त्रे इति॑ स्तुत - श॒स्त्रे । मा॒ । एति॑ । वि॑शताम् । स॒मीची॑ इति॑ ॥ अ॒दित्याः॑ ।
रु॒द्राः । वस॑वः । मे॑ । सद॒स्याः॑ । स॒हस्र॑स्य । मा॒ । भू॒मा । मा॒ । प्रेति॑ । हा॒सीत् ॥ एति॑ ।
मा॒ । अ॒ग्नि॒ष्टोम इत्य॑ग्नि - स्तोमः॑ । वि॑शतु () । उ॒क्थ्यः॑ । च॒ । अ॒ति॒रात्र इत्य॑ति - रा॒त्रः ।
मा॒ । एति॑ । वि॑शतु । आ॒पि॒शर्व॑र इत्या॑पि - शर्व॑रः ॥ ति॒रोअ॑ह्नि॒या इति॑ तिरः - अ॒ह्नि॒याः । मा॒
। सु॑हु॒ता इति॑ सु - हु॒ताः । एति॑ । वि॑शन्तु । स॒हस्र॑स्य । मा॒ । भू॒मा । मा॒ । प्रेति॑ । हा॒सीत् ॥

35 TS 7.3.14.1

TS 7.3.14.1

Samhita Paata

अ॒ग्निना॑ तपोऽन्व॑भवद्-वा॒चा ब्र॒ह्म म॒णिना॑ रू॒पाणीन्द्रे॑ण दे॒वान् वा॒तेन॑ प्रा॒णान्थ॑ सू॒र्येण॑ द्यां च॒न्द्रम॑सा
नक्ष॑त्राणि य॒मेन॑ पि॒तृन् रा॒ज्ञां म॒नुष्या॑न् फ॒लेन॑ नादे॒यान॑ज॒गरे॑ण॒ सर्पा॑न् व्या॒घ्रेणा॑ऽऽ*र॒ण्यान् प॒शूञ्छ्ये॑नेन॒
प॒त॒त्रिणो॑ वृ॒ष्णाऽश्वान॑ष॒भेण॑ गा ब॒स्तेना॒जा वृ॒ष्णिना॑ऽवी॒र्व्रीहि॑णाऽन्ना॒नि यवे॑नौष॒धीन्य॑ग्रोधेन॒ वन॑स्पती॒नुदु॑ब॒रेणो॑र्जं
गाय॒त्रिया॑ छन्दा॑ंसि त्रि॒वृता॑ स्तोमा॑न् ब्रा॒ह्मणे॑न् () वाचं॑ ॥

Pada Paata

अ॒ग्निना॑ । तपः॑ । अ॒न्विति॑ । अ॒भ॒वत् । वा॒चा । ब्र॒ह्म । म॒णिना॑ । रू॒पाणि॑ । इन्द्रे॑ण । दे॒वान्
। वा॒तेन॑ । प्रा॒णानिति॑ प्र - अ॒नान् । सू॒र्येण॑ । द्याम् । च॒न्द्रम॑सा । नक्ष॑त्राणि । य॒मेन॑ । पि॒तृन्
। रा॒ज्ञां । म॒नुष्या॑न् । फ॒लेन॑ । नादे॒यान् । अ॒ज॒गरे॑ण॒ सर्पा॑न् । व्या॒घ्रेण॑ । आ॒र॒ण्यान् । प॒शून्
। श्ये॑नेन॒ । प॒त॒त्रिणः॑ । वृ॒ष्णां । अ॒श्वान् । ऋ॒ष॒भेण॑ । गाः । ब॒स्तेन॑ । अ॒जाः । वृ॒ष्णिना॑
। अ॒वीः । व्री॒हिणा॑ । अ॒न्ना॒नि । यवे॑न । ओष॒धीः । न्य॒ग्रोधे॑न । वन॑स्पती॒न् । उ॒दु॒म्बरे॑ण
। ऊ॒र्जम् । गा॒य॒त्रिया॑ । छन्दा॑ंसि । त्रि॒वृते॑ति॒ त्रि - वृ॒तां । स्तोमा॑न् । ब्रा॒ह्मणे॑न् () । वाचं॑ ॥

36 TS 7.3.15.1

TS 7.3.15.1

Samhita Paata

स्वाहाऽऽधिमाधीताय॑ स्वाहा स्वाहाऽऽधीतं॑ मन॑से स्वाहा स्वाहा मनः॑ प्रजाप॑तये स्वाहा काय॑ स्वाहा
कस्मै॑ स्वाहा क॒त॒मस्मै॑ स्वाहा ऽदित्यै॑ स्वाहा ऽदित्यै॑ म॒ह्यै॑ स्वाहाऽदित्यै॑ सुमृ॒डीकायै॑ स्वाहा सर॑स्वत्यै
स्वाहा सर॑स्वत्यै बृह॒त्यै॑ स्वाहा सर॑स्वत्यै पा॒व॒कायै॑ स्वाहा पू॒ष्णे स्वाहा पू॒ष्णे प्र॑प॒थ्याय॑ स्वाहा पू॒ष्णे
न॒रन्धि॑षाय॑ स्वाहा त्वष्ट्रे॑ स्वाहा त्वष्ट्रे॑ तुरी॑पाय॑ स्वाहा त्वष्ट्रे॑ पुरु॒रूपाय॑ स्वाहा () विष्ण॑वे स्वाहा
विष्ण॑वे नि॒खुर्य॑पाय॑ स्वाहा विष्ण॑वे नि॒भूय॑पाय॑ स्वाहा सर्व॑स्मै स्वाहा ॥

Pada Paata

स्वाहा॑ । आ॒धि॒मि॒त्या॑ - धिम् । आ॒धी॒ता॒ये॒त्या - धी॒ता॒य॑ । स्वाहा॑ । स्वाहा॑ । आ॒धी॒ता॒मि॒त्या -
धी॒ता॒म् । मन॑से । स्वाहा॑ । स्वाहा॑ । मनः॑ । प्र॒जा॒प॑तय॑ इति॑ प्र॒जा - प॒त॒ये । स्वाहा॑ । काय॑ ।
स्वाहा॑ । कस्मै॑ । स्वाहा॑ । क॒त॒मस्मै॑ । स्वाहा॑ । अ॒दि॒त्यै । स्वाहा॑ । अ॒दि॒त्यै । म॒ह्यै॑ । स्वाहा॑
। अ॒दि॒त्यै । सु॒मृ॒डी॒का॒या इति॑ सु - मृ॒डी॒का॒यै॑ । स्वाहा॑ । सर॑स्वत्यै । स्वाहा॑ । सर॑स्वत्यै ।
बृह॒त्यै॑ । स्वाहा॑ । सर॑स्वत्यै । पा॒व॒कायै॑ । स्वाहा॑ । पू॒ष्णे । स्वाहा॑ । पू॒ष्णे । प्र॑प॒थ्या॑येति॑
प्र॒प॒थ्या॑य । स्वाहा॑ । पू॒ष्णे । न॒रन्धि॑षाय॑ । स्वाहा॑ । त्वष्ट्रे॑ । स्वाहा॑ । त्वष्ट्रे॑ । तुरी॑पाय॑ । स्वाहा॑
। त्वष्ट्रे॑ । पुरु॒रूपा॑येति॑ पुरु - रूपा॑य । स्वाहा॑ () । विष्ण॑वे । स्वाहा॑ । विष्ण॑वे । नि॒खुर्य॑पायेति॑
नि॒खुर्य॑ - पाय॑ । स्वाहा॑ । विष्ण॑वे । नि॒भूय॑पायेति॑ नि॒भूय॑ - पाय॑ । स्वाहा॑ । सर्व॑स्मै । स्वाहा॑ ॥

37 TS 7.3.16.1

TS 7.3.16.1

Samhita Paata

दुद्ध्यः स्वाहा हनू॑भ्याः स्वाहो॑ष्ठाभ्याः स्वाहा मुखा॑य स्वाहा नासिका॑भ्याः स्वाहा ऽक्षी॑भ्याः स्वाहा कर्णा॑भ्याः स्वाहा पा॒र इक्ष॑वोऽवा॒र्येभ्यः पक्ष॑मभ्यः स्वाहा ऽवा॒र इक्ष॑वः पा॒र्येभ्यः पक्ष॑मभ्यः स्वाहा शी॒र्ष्णे स्वाहा॑ भ्रू॒भ्याः स्वाहा॑ ल॒लाटा॑य स्वाहा॑ मू॒र्ध्ने स्वाहा॑ म॒स्तिष्का॑य स्वाहा॑ केशे॑भ्यः स्वाहा॑ वहा॑य स्वाहा॑ ग्री॒वाभ्यः स्वाहा॑ स्क॒न्धेभ्यः स्वाहा॑ की॒कसा॑भ्यः स्वाहा॑ पृ॒ष्ठीभ्यः स्वाहा॑ पा॒ज॒स्याय स्वाहा॑ पा॒र्श्वाभ्याः स्वाहा॑- []

Pada Paata

दुद्ध्य इति दत् - भ्यः । स्वाहा॑ । हनू॑भ्यामिति हनु - भ्याम् । स्वाहा॑ । ओष्ठा॑भ्याम् । स्वाहा॑ । मुखा॑य । स्वाहा॑ । नासिका॑भ्याम् । स्वाहा॑ । अक्षी॑भ्याम् । स्वाहा॑ । कर्णा॑भ्याम् । स्वाहा॑ । पा॒रे । इक्ष॑वः । अ॒वा॒र्येभ्यः । पक्ष॑मभ्य इति पक्षम - भ्यः । स्वाहा॑ । अ॒वा॒रे । इक्ष॑वः । पा॒र्येभ्यः । पक्ष॑मभ्य इति पक्षम - भ्यः । स्वाहा॑ । शी॒र्ष्णे । स्वाहा॑ । भ्रू॒भ्याम् । स्वाहा॑ । ल॒लाटा॑य । स्वाहा॑ । मू॒र्ध्ने । स्वाहा॑ । म॒स्तिष्का॑य । स्वाहा॑ । केशे॑भ्यः । स्वाहा॑ । वहा॑य । स्वाहा॑ । ग्री॒वाभ्यः । स्वाहा॑ । स्क॒न्धेभ्यः । स्वाहा॑ । की॒कसा॑भ्यः । स्वाहा॑ । पृ॒ष्ठीभ्य इति पृष्टि - भ्यः । स्वाहा॑ । पा॒ज॒स्याय । स्वाहा॑ । पा॒र्श्वाभ्याम् । स्वाहा॑ ।

38 TS 7.3.16.2

TS 7.3.16.2

Samhita Paata

ऽ॒सौ॑भ्या॒ऽ स्वाहा॑ दो॒षभ्या॒ऽ स्वाहा॑ बा॒हुभ्या॒ऽ स्वाहा॑ जङ्घा॑भ्या॒ऽ स्वाहा॑ श्रोणी॑भ्या॒ऽ स्वाहा॑रुभ्या॒ऽ स्वाहा॑ ऽ॒ष्ठीव॑द्भ्या॒ऽ स्वाहा॑ जङ्घा॑भ्या॒ऽ स्वाहा॑ भ॒सदे॑ स्वाहा॑ शिख॑ण्डेभ्यः स्वाहा॑ वा॒ल॒धा॒नाय॑ स्वाहा॑ ऽ॒ण्डाभ्या॒ऽ स्वाहा॑ शे॒पाय॑ स्वाहा॑ रे॒त॒से स्वाहा॑ प्र॒जाभ्यः॑ स्वाहा॑ प्र॒ज॒न॒नाय॑ स्वाहा॑ प॒द्भ्यः॑ स्वाहा॑ श॒फेभ्यः॑ स्वाहा॑ लो॒म॒भ्यः॑ स्वाहा॑ त्व॒चे स्वाहा॑ लोहि॑ताय॒ स्वाहा॑ मा॒ऽसाय॑ स्वाहा॑ स्ना॒व॒भ्यः॑ स्वाहा॑ ऽ॒स्थभ्यः॑ स्वाहा॑ म॒ज्ज॒भ्यः॑ स्वाहा॑ () ऽ॒ङ्गेभ्यः॑ स्वाहा॑ ऽ॒त्म॒ने स्वाहा॑ सर्व॑स्मै स्वाहा॑ ॥

Pada Paata

अ॒सौ॑भ्याम् । स्वाहा॑ । दो॒षभ्या॑मि॒ति दो॒ष - भ्या॑म् । स्वाहा॑ । बा॒हुभ्या॑मि॒ति बा॒हु - भ्या॑म् । स्वाहा॑ । जङ्घा॑भ्याम् । स्वाहा॑ । श्रोणी॑भ्यामि॒ति श्रा॒णि - भ्या॑म् । स्वाहा॑ । ऊ॒रुभ्या॑मित्यू॒रु - भ्या॑म् । स्वाहा॑ । अ॒ष्ठीव॑द्भ्यामि॒त्य॒ष्ठीव॑त् - भ्या॑म् । स्वाहा॑ । जङ्घा॑भ्याम् । स्वाहा॑ । भ॒सदे॑ । स्वाहा॑ । शिख॑ण्डेभ्यः । स्वाहा॑ । वा॒ल॒धा॒नाये॑ति॒ वा॒ल - धा॒नाय॑ । स्वाहा॑ । अ॒ण्डाभ्या॑म् । स्वाहा॑ । शे॒पाय॑ । स्वाहा॑ । रे॒त॒से । स्वाहा॑ । प्र॒जाभ्य॑ इति॒ प्र - जा॑भ्यः । स्वाहा॑ । प्र॒ज॒न॒नाये॑ति॒ प्र - ज॒न॒नाय॑ । स्वाहा॑ । प॒द्भ्यः॑ इति॒ पत् - भ्यः॑ । स्वाहा॑ । श॒फेभ्यः॑ । स्वाहा॑ । लो॒म॒भ्यः॑ इति॒ लो॒म - भ्यः॑ । स्वाहा॑ । त्व॒चे । स्वाहा॑ । लोहि॑ताय॒ स्वाहा॑ । मा॒ऽसाय॑ । स्वाहा॑ । स्ना॒व॒भ्यः॑ इति॒ स्ना॒व - भ्यः॑ । स्वाहा॑ । अ॒स्थभ्य॑ इत्य॒स्थ - भ्यः॑ । स्वाहा॑ । म॒ज्ज॒भ्यः॑ इति॒ म॒ज्ज - भ्यः॑ । स्वाहा॑ () । अ॒ङ्गेभ्यः॑ । स्वाहा॑ । आ॒त्म॒ने । स्वाहा॑ । सर्व॑स्मै । स्वाहा॑ ॥

39 TS 7.3.17.1

TS 7.3.17.1

Samhita Paata

अञ्जये॑ताय॒ स्वाहा॑ ऽञ्जिस॒क्थाय॒ स्वाहा॑ शि॒तिप॑दे॒ स्वाहा॑ शि॒तिक॑कु॒दे स्वाहा॑ शि॒तिर॑न्ध्राय॒ स्वाहा॑
शि॒तिपृ॑ष्ठाय॒ स्वाहा॑ शि॒त्यश्सा॑य॒ स्वाहा॑ पु॒ष्पकर्णा॑य॒ स्वाहा॑ शि॒त्योष्ठा॑य॒ स्वाहा॑ शि॒तिभ्र॑वे॒ स्वाहा॑
शि॒तिभ॑स॒दे स्वाहा॑ श्वे॒तानू॑का॒शाय॒ स्वाहा॑ ऽञ्जये॑ स्वाहा॑ ल॒लामा॑य॒ स्वाहा॑ ऽसि॑त॒श्वे स्वाहा॑ कृ॒ष्णैता॑य॒
स्वाहा॑ रो॒हितै॑ताय॒ स्वाहा॑ ऽरु॒णैता॑य॒ स्वाहे॑दृ॒शाय॒ स्वाहा॑ की॒दृशाय॒ स्वाहा॑ ता॒दृशाय॒ स्वाहा॑ स॒दृशाय॒
स्वाहा॑ वि॒सदृ॑शाय॒ स्वाहा॑ सु॒सदृ॑शाय॒ स्वाहा॑ रू॒पाय॒ स्वाहा॑ () सर्व॑स्मै॒ स्वाहा॑ ॥

Pada Paata

अञ्जये॑तायेत्यञ्जि - ए॒ताय॑ । स्वाहा॑ । अञ्जिस॒क्थायेत्यञ्जि-स॒क्थाय॑ । स्वाहा॑ । शि॒तिप॑द इति॑
शि॒ति - प॑दे॒ । स्वाहा॑ । शि॒तिक॑कु॒द इति॑ शि॒ति - क॑कु॒दे । स्वाहा॑ । शि॒तिर॑न्ध्रायेति॑ शि॒ति - र॑न्ध्राय॒
। स्वाहा॑ । शि॒तिपृ॑ष्ठयेति॑ शि॒ति - पृ॑ष्ठाय॒ । स्वाहा॑ । शि॒त्यश्सा॑येति॑ शि॒ति - अ॑श्साय॒ । स्वाहा॑
। पु॒ष्पकर्णा॑येति॑ पु॒ष्प - क॑र्णाय॒ । स्वाहा॑ । शि॒त्योष्ठा॑येति॑ शि॒ति - ओ॑ष्ठाय॒ । स्वाहा॑ । शि॒तिभ्र॑व॒
इति॑ शि॒ति - भ्र॑वे॒ । स्वाहा॑ । शि॒तिभ॑स॒द इति॑ शि॒ति - भ॑स॒दे । स्वाहा॑ । श्वे॒तानू॑का॒शयेति॑ श्वे॒त
- अ॒नूका॑शाय॒ । स्वाहा॑ । अ॒ञ्जये॑ । स्वाहा॑ । ल॒लामा॑य॒ । स्वाहा॑ । अ॒सि॑त॒श्च इत्य॑सि॒त - श्च॑वे॒
। स्वाहा॑ । कृ॒ष्णैता॑येति॑ कृ॒ष्ण - ए॒ताय॑ । स्वाहा॑ । रो॒हितै॑तायेति॑ रो॒हित - ए॒ताय॑ । स्वाहा॑ ।
अ॒रु॒णैता॑येत्य॒रुण॑ - ए॒ताय॑ । स्वाहा॑ । ई॒दृशाय॒ । स्वाहा॑ । की॒दृशाय॒ । स्वाहा॑ । ता॒दृशाय॒ ।
स्वाहा॑ । स॒दृशाय॒ । स्वाहा॑ । वि॒सदृ॑शयेति॑ वि॒सदृ॑शाय॒ । स्वाहा॑ । सु॒सदृ॑शयेति॑ सु॒ - स॒दृशाय॒
। स्वाहा॑ । रू॒पाय॑ । स्वाहा॑ () । सर्व॑स्मै॒ । स्वाहा॑ ॥

40 TS 7.3.18.1

TS 7.3.18.1

Samhita Paata

कृष्णाय॑ स्वाहा॑ श्वेताय॑ स्वाहा॑ पि॒शङ्गाय॑ स्वाहा॑ सा॒रङ्गाय॑ स्वाहा॑ ऽरु॒णाय॑ स्वाहा॑ गौ॒राय॑ स्वाहा॑
ब॒भ्रवे॑ स्वाहा॑ न॒कुलाय॑ स्वाहा॑ रोहि॑ताय॑ स्वाहा॑ शो॒णाय॑ स्वाहा॑ श्या॒वाय॑ स्वाहा॑ श्या॒माय॑ स्वाहा॑
पा॒क॒लाय॑ स्वाहा॑ सु॒रूपाय॑ स्वाहा॑ ऽनु॑रूपाय॑ स्वाहा॑ वि॒रूपाय॑ स्वाहा॑ स॒रूपाय॑ स्वाहा॑ प्र॒ति॒रूपाय॑
स्वाहा॑ श॒बलाय॑ स्वाहा॑ क॒म॒लाय॑ स्वाहा॑ पृ॒श्न॒ये स्वाहा॑ पृ॒श्नि॒स॒क्थाय॑ स्वाहा॑ स॒र्व॒स्मै स्वाहा॑ ॥

Pada Paata

कृष्णाय॑ । स्वाहा॑ । श्वेताय॑ । स्वाहा॑ । पि॒शङ्गाय॑ । स्वाहा॑ । सा॒रङ्गाय॑ । स्वाहा॑ । अ॒रु॒णाय॑
। स्वाहा॑ । गौ॒राय॑ । स्वाहा॑ । ब॒भ्रवे॑ । स्वाहा॑ । न॒कुलाय॑ । स्वाहा॑ । रोहि॑ताय॑ । स्वाहा॑
। शो॒णाय॑ । स्वाहा॑ । श्या॒वाय॑ । स्वाहा॑ । श्या॒माय॑ । स्वाहा॑ । पा॒क॒लाय॑ । स्वाहा॑ ।
सु॒रूपायेति॑ सु - रू॒पाय॑ । स्वाहा॑ । अनु॑रूपायेत्यनु॑ - रू॒पाय॑ । स्वाहा॑ । वि॒रूपायेति॑ वि-रू॒पाय॑
। स्वाहा॑ । स॒रूपायेति॑ स-रू॒पाय॑ । स्वाहा॑ । प्र॒ति॒रूपायेति॑ प्र॒ति - रू॒पाय॑ । स्वाहा॑ । श॒बलाय॑
। स्वाहा॑ । क॒म॒लाय॑ । स्वाहा॑ । पृ॒श्न॒ये । स्वाहा॑ । पृ॒श्नि॒स॒क्थायेति॑ पृ॒श्नि - स॒क्थाय॑ । स्वाहा॑
। स॒र्व॒स्मै । स्वाहा॑ ॥

41 TS 7.3.19.1

TS 7.3.19.1

Samhita Paata

ओष॑धी॒भ्यः॒ स्वाहा॑ मू॒लै॒भ्यः॒ स्वाहा॑ तू॒लै॒भ्यः॒ स्वाहा॑ काण्डै॒भ्यः॒ स्वाहा॑ वल्॒शै॒भ्यः॒ स्वाहा॑ पु॒ष्पै॒भ्यः॒
स्वाहा॑ फ॒लै॒भ्यः॒ स्वाहा॑ गृ॒ही॒ते॒भ्यः॒ स्वाहा॑ ऽगृ॒ही॒ते॒भ्यः॒ स्वाहा॑ ऽव॑प॒न्ने॒भ्यः॒ स्वाहा॑ श॒या॒ने॒भ्यः॒ स्वाहा॑
सर्व॑स्मै॒ स्वाहा॑ ॥

Pada Paata

ओष॑धी॒भ्य इत्योष॑धि॒भ्यः॒ । स्वाहा॑ । मू॒लै॒भ्यः॒ । स्वाहा॑ । तू॒लै॒भ्यः॒ । स्वाहा॑ । काण्डै॒भ्यः॒
। स्वाहा॑ । वल्॒शै॒भ्यः॒ । स्वाहा॑ । पु॒ष्पै॒भ्यः॒ । स्वाहा॑ । फ॒लै॒भ्यः॒ । स्वाहा॑ । गृ॒ही॒ते॒भ्यः॒ ।
स्वाहा॑ । अ॒गृ॒ही॒ते॒भ्यः॒ । स्वाहा॑ । अ॒व॑प॒न्ने॒भ्य इत्य॑व॒ - प॒न्ने॒भ्यः॒ । स्वाहा॑ । श॒या॒ने॒भ्यः॒ । स्वाहा॑
। सर्व॑स्मै । स्वाहा॑ ॥

42 TS 7.3.20.1

TS 7.3.20.1

Samhita Paata

व॒न॒स्प॒ति॒भ्यः॒ स्वाहा॑ मू॒लै॒भ्यः॒ स्वाहा॑ तू॒लै॒भ्यः॒ स्वाहा॑ स्क॒न्धै॒भ्यः॒ स्वाहा॑ शा॒खा॒भ्यः॒ स्वाहा॑ पु॒र्णै॒भ्यः॒
स्वाहा॑ पु॒ष्पै॒भ्यः॒ स्वाहा॑ फ॒लै॒भ्यः॒ स्वाहा॑ गृ॒ही॒ते॒भ्यः॒ स्वाहा॑ ऽगृ॒ही॒ते॒भ्यः॒ स्वाहा॑ ऽव॑प॒न्ने॒भ्यः॒ स्वाहा॑

शयानेभ्यः स्वाहा शिष्टाय स्वाहा ऽतिशिष्टाय स्वाहा परिशिष्टाय स्वाहा सःशिष्टाय स्वाहो-च्छिष्टाय
स्वाहा रिक्ताय स्वाहा ऽरिक्ताय स्वाहा प्ररिक्ताय स्वाहा सःरिक्ताय स्वाहो -द्रिक्ताय स्वाहा सर्वस्मै
स्वाहा ॥

Pada Paata

वनस्पतिभ्य इति वनस्पति - भ्यः । स्वाहा । मूलैभ्यः । स्वाहा । तूलैभ्यः । स्वाहा । स्कन्धोभ्य
इति स्कन्धः - भ्यः । स्वाहा । शाखोभ्यः । स्वाहा । पुर्णेभ्यः । स्वाहा । पुष्पेभ्यः । स्वाहा ।
फलेभ्यः । स्वाहा । गृहीतेभ्यः । स्वाहा । अगृहीतेभ्यः । स्वाहा । अवपन्नेभ्य इत्यव - पन्नेभ्यः
। स्वाहा । शयानेभ्यः । स्वाहा । शिष्टाय । स्वाहा । अतिशिष्टायेत्यति - शिष्टाय । स्वाहा ।
परिशिष्टायेति परि-शिष्टाय । स्वाहा । सःशिष्टायेति सं - शिष्टाय । स्वाहा । उच्छिष्टायेत्युत् -
शिष्टाय । स्वाहा । रिक्ताय । स्वाहा । अरिक्ताय । स्वाहा । प्ररिक्तायेति प्र - रिक्ताय । स्वाहा
। सःरिक्तायेति सं - रिक्ताय । स्वाहा । उद्रिक्तायेत्युत् - रिक्ताय । स्वाहा । सर्वस्मै । स्वाहा ॥